

v. 4

D. Chinese

Vol. IV.

4

1871

D

1871

中風論第十

神醫劉守真撰

論曰。經云風者百病之始。善行而數變。行者動也。風本生於熱。以熱為本。以風為標。凡言風者。熱也。叔和云。熱則生風。冷生氣。是以熱則風動。宜以靜勝其躁。是養血也。治須少汗。亦宜少下。多汗則虛。其衛多下。則損其榮。汗下各得其宜。然後宜治。在經雖有汗下之戒。而其中臟中腑之說。中腑者。宜汗之中臟者。宜下之。此雖合汗下。亦不可過也。仲景曰。汗多則亡陽。下多則亡陰。亡陽則損其氣。亡陰則損其形。經曰。氣血者人之神。不可不謹養也。初謂表裏不和。須汗下之。表裏已和。是宜治之。在側皆中腑也。其治多易。中臟者。唇吻不收。舌不轉。而失音。鼻不聞香臭。耳聾而眼瞽。大小便秘結。皆曰中臟也。其治多難。經曰。六腑不和。流結為癱。五臟不和。九竅不通。若外無留結。內無不通。必知在經也。初證既定。宜以大藥養之。當順時令。而調陰陽。安臟腑。而和榮衛。察病機。審氣宜。而少有不愈者。若風中腑者。先以加減續命湯。隨證發其表。若忽中臟者。則大便多秘。宜服三化湯。通其滯。表裏證已定。別無他變。故以大藥和治之。大抵中腑者。多着四肢中臟者。多滯九竅。雖中腑者。多兼中臟之症。至於舌強失音。久服大藥。能自愈也。有中風濕者。夏月多有之。其證身重如山。不能轉側。宜服除濕去熱之藥。治之不可用鍼。可用灸。今具六經續命湯。方小續命湯。通治八風五痺。痿厥等疾。以一歲為總。以六經為別。春夏加石膏。知母。黃芩。秋冬加桂附芍藥。又於六經別藥。隨證細分。加減自古名醫。不能越此。

凡覺中風。必先審六經之候。慎勿用大熱藥。為附之類。故陽劑剛勝。積燎原為消。狂瘡腫之屬。則天癸竭而榮潤。是以中風有此誠。故經所謂。邪風之至。疾如風雨。易曰。撓萬物者。莫疾乎風。若感之淺。

者留於肌膚感之深者達於骨髓蓋禍患之機藏於細微非常人之豫見及其至也雖智者不能善其後是以聖人之教下皆謂之虛邪賊風避之有時故中風者俱有先見之證凡人如覺大母指及次指麻木不仁或手足不用或肌肉蠕動者三年內必有大風之至經曰肌肉蠕動命曰微風宜先服八風散愈風湯天麻丸各一料為效故手大指次指手太陰陽明經風多著此經也先服祛風滌熱之劑辛涼之藥治內外之邪是以聖人治未病不治已病又曰善治者治皮毛是止於萌芽也故初成者獲愈固久者伐形是治未病之先也

中風之人如小便不利不可以藥利之既得自汗則津液外亡小便自少若利之使榮衛枯竭無以制火煩熱愈甚當候熱退汗止小便自行也兼此證乃陽明大忌利小便須當識此中風之人能食者凡中風病多能食蓋甲已化土脾盛故能食由是多食則脾氣愈盛上克制腎水水虧則病增據也病宜廣服藥不欲多食病能自愈中風多食者風木也盛則克脾脾受敵求助於食經曰實則夢與虛則夢取是也當瀉肝木治風安脾脾安則食少是其効也中風之人不宜用龍麝犀珠譬之提鈴巡於街使盜者伏而不出蓋使風邪入於骨髓如油入麵莫能出也此之類焉若痰潮不省昏憤不知人事宜用藥下其痰涎故風者百病之長庸可忽諸

小續命湯

麻黃 去節

人參

黃芩 各一兩

芍藥

防己

桂枝

川芎 各一兩

防風 一兩半

附子 半兩

杏仁

甘草 各一兩

右除附子杏仁外搗為麩末後入二味令勻每服五七錢水一盞半生薑五斤煎至一盞去滓稍熱服食前

凡中風不審六經之加減雖治之不能去其邪也內經云開則漸然寒閉則熱而悶知暴中風邪宜先以加減續命湯隨證治之

中風無汗惡寒麻黃續命主之

麻黃 防風 杏仁

依本方添加一倍宜鍼太陽至陰出血崑崙陽蹻
中風有汗惡風桂枝續命主之

桂枝 芍藥 杏仁

依本方加一倍宜鍼風府以上二證皆太陽經中風也

中風無汗身熱不惡寒白虎續命主之

石膏 知母科中各加二兩 甘草依本方加一倍

中風有汗身熱不惡風葛根續命主之

葛根一兩 桂枝 黃芩依本方加倍

宜鍼陷谷刺厲兌鍼陷谷者去陽明之賊刺厲兌者瀉陽明經之寔也 以上三證陽明經中風也

中風無汗身涼附子續命主之

附子加倍 乾薑加二兩 甘草加三兩

宜刺隱白穴去太陰之賊也此一證太陰經中風也

中風有汗無熱桂枝續命主之

桂枝 附子 甘草依本方加倍

右六鍼太谿此證少陰經中風也

中風六證混淆繫之於少陽厥陰或肢節寧痛或麻木不知西羌活連翹續命主之

小續命八兩加羌活四兩連翹六兩

考之續命混淆無六證之別今各分經治療又分經鍼刺恰厥陰之并大敦刺以通其經少陽之經

絕骨灸以引其熱是鍼灸同象法治之大體也

中風外無六經之形證內無便溺之阻格知血弱不能養筋故手足不能運動舌強不能言語宜養血而筋自榮大秦炆湯主之

秦炆 三兩

甘草 二兩

川芎 二兩

當歸 二兩

白芍藥 二兩

細辛 半兩

川羌活 二兩

防風 二兩

黃芩 各二兩

石膏 二兩

吳白芷 一兩

白朮 一兩

生地黄 一兩

熟乾地黄 二兩

白茯苓 二兩

川獨活 二兩

右一十六味剉每服一兩水煎去滓溫服無時如遇天陰加生薑煎如心下痞每兩加楮實一錢

中風外有六經之形證先以加減續命湯隨證治之內有便溺之阻格復以三化湯主之

厚朴

大黃

枳實

羌活 各等分

右剉如麻豆大每服三兩水三升煎至一升半終日服之以微利為度無時法曰四肢不舉俗曰

癱瘓故經所謂太過則令人四肢不舉又曰土太過則敦草草高求敦厚也既厚而又高則令除

去此真所謂膏梁之疾非肝腎經虛何以明之經所謂三陽三陰發病為偏枯痿易四肢不舉王

注曰三陰不足則發偏枯三陽有餘則痿易二為變易常用而痿弱無力也其治則瀉令氣弱陽

衰土平而愈或三化湯調胃承氣湯選而用之若脾虛則不用也經所謂土不及則卑陷卑下也

陷坑也故脾病四肢不用四肢皆稟氣於胃而不能至經必因於脾乃不得稟受也令脾不能與

胃行其津液四肢不得稟水穀氣日以衰脉道不利筋骨肌肉皆無氣以生故不用焉其治可補

十全散加減四物去邪留正

愈風湯中風證內邪正除外邪已盡當服此藥以行導諸經久服大風悉去縱有微邪只從此藥加

減治之然治病之法不可失其通塞或一氣之微汗或一旬之通利如此為常治之法也久則清濁

九龍軒

自分榮衛自和如此初覺風動服此不致倒仆。

羌活

甘草

防風

蔓荊子

川芎

細辛

枳殼

人參

麻黃

甘菊

薄荷

枸杞

當歸

知母

地骨皮

黃耆

獨活

杜仲

吳白芷

秦艽

柴胡

半夏

前胡

厚朴

熟地黃

防已各二兩

茯苓

黃芩各二兩

石膏四兩

芍藥三兩

蒼朮

生地黃各四兩

桂一兩

以上三十三味通七十三兩

右剉每服一兩水二盞煎至一盞去滓溫服如過天陰如生薑煎空心一服臨卧再煎藥滓服俱要食遠服空心一服喫下二丹丸為之重劑臨卧一服喫下四白丹為之輕劑動以安神靜以清肺假令一氣之微汗用愈風湯三兩麻黃一兩均作四服一服如生薑五斤空心服以粥投之得微汗則佳如一旬之通利用愈風三兩大黃一兩亦均作四服如前煎臨卧服得利則妙常服之藥不可失四時之轉如望春大寒之後加半夏二兩通四兩柴胡二兩通四兩人參二兩通四兩謂迎而奪少陽之氣也望夏之月半加石膏二兩通六兩黃芩二兩通五兩知母二兩通四兩謂迎而奪陽明之氣也望秋之月加防已二兩通四兩白朮二兩茯苓二兩通五兩謂勝脾土之濕也初秋大暑之後加厚朴二兩通四兩藿香二兩桂一兩通二兩謂迎而奪太陰之氣也霜降後望冬加附子一兩桂一兩通二兩當歸二兩通四兩謂勝少陰之氣也得春減冬四時類此雖立法於四時之加減更宜臨病之際審病之虛實寒熱寒土地之宜和氣之多少此藥具七情六慾四氣無使五臟偏勝及不動於榮衛如風秘服之則永不燥結如火瀉服之則能自調初覺風氣便能服此藥及新方中天麻丸各一料相為表裏治未病之勝藥也及已病者更宜常服無問男子婦人及小兒驚癇搐急慢驚風等病服之神效如解利四時傷風隨四時加減法又療脾腎虛弱惡訖言難精神昏憤及治內弱風濕內弱者乃風熱火光體為芳風濕土餘內弱之為病或一臂

肢體偏枯。或肥而半身不隨。或恐而健忘。喜以多思。故思忘之道。皆情不足。衛是以心亂則百病生於心。靜則萬病悉去。故此藥能安心養神。調陰陽。無偏勝。及不動榮衛。

四白丹能消肺氣。養魄謂中風者多昏。胃氣不清利也。

白木半兩 白芷一兩 白茯苓半兩 白檀一錢半 人參半兩 知母二錢 縮砂仁半兩

羌活一錢半 薄荷三錢半 獨活二錢半 防風 川芎各五錢 細辛二錢 甘草五錢

甜竹葉二兩 香附子五錢 龍腦半錢 麝香一錢半 牛黃半錢 藿香一錢半

右并二十味計八兩六錢三字為細末。煉蜜為丸。每兩作十九丸。臨卧嚼一丸。分五七次嚼之。上清肺氣下強骨髓。

二月丸 治健忘養神定志。和血內安心神。外華腠理。

丹參二兩半 丹砂五錢 遠志半兩 茯神一兩 人參五錢 菖蒲五錢 熟地黃二兩半

天門冬二兩半 麥門冬去心一兩 甘草一兩

右為細末。煉蜜為丸。如桐子。大每服五十九。至一百丸。空心食前常服。安神定志。一藥清肺。一藥安神。故清中清者。歸肺以助天真。清中濁者。堅強骨髓。血中之清。榮養子神。血中之濁。華榮腠理。

如素有痰。久病中風。津液湧溢在胸中。氣所不利。用獨聖散吐之。後用利氣瀉火之劑。本方在後。

瀉青丸 治中風自汗。昏冒發熱。不惡寒。不能安卧。此是風熱煩燥。

當歸 龍膽 川芎 梔子 羌活 大黃 防風各等分

右為細末。煉蜜為丸。如彈子。大每服一丸。竹葉湯化下。

天麻丸 係新方中。

天麻六兩 酒浸三 牛膝六兩 同 杜仲七兩 剉均 草解六兩 剉均 玄參六兩

當歸十兩 生地黃十六兩 羌活十兩 附子一兩

右為細末。練蜜為丸。如桐子大。常服五七十丸。病大至百丸。空心食前。溫酒。或白湯下。平明服藥。至日高。饑則止服藥。大忌雍塞。失于通利。故服藥半月。稍覺雍微。以七宣丸輕疎之。使藥再為用。也。牛膝草薤治筋骨。杜仲使筋骨相着。天麻羌活和風之勝藥。當歸地黃養血能和榮衛。玄參主用。附子佐之行經也。

獨聖散 治諸風隔痰。諸癰痰。涎津液湧溢。雜病亦然。

瓜蒂 一兩

右判如麻豆大。燥令黃色。為細末。每服量虛寔。久新或三錢。藥末茶一錢。酸薑汁一盞。調下。若用吐法。天氣清明陰晦無用。如病卒暴者。不拘于此法。吐時辰午巳前。故內經曰。平旦至日中。天之陽。陽中之陽也。論四時之氣。仲景曰。大法春宜吐。是天氣在上。人氣亦在上。一日之氣。卯辰之寅候也。故宜早。不宜夜也。先令病人隔夜不食。服藥不吐。再用熱薑水投之。如吐風癰病者。加全蝎半錢。微炒。知有虫者。加狗油五七點。雄黃末一錢。甚者加羌花末半錢。立吐其虫。如濕腫滿者。加赤小豆末一錢。故此不可常用。大要辨其虛寔。寔則瓜蒂散。虛則梔子豉湯。滿加厚朴。不可一概用之。吐罷可服降火順氣安神定志之劑。

治風癰病不能愈者。從厚朴。尤宜春秋加添外。又于每一料中。加

人參 葛蒲

茯苓 去本各一兩半

右依厚朴丸春秋加添法。和劑服餌。厚朴丸方在吐論中。

防風通聖散

防風 川芎

當歸

芍藥

大黃

芒硝

連翹

薄荷

麻黃 各半兩

石膏

桔梗

黃芩 各兩

白朮

山梔子

荊芥穗 各半兩

甘草 二兩

右為麤末每服一兩生薑同煎溫服日再服勞汗當風汗出為酸鬱乃座勞汗出于玄府脂液所凝去芒硝倍加芍藥當歸發散玄府之風當調其榮衛俗云風刺或生癰疹或赤或白倍加麻黃鹽豉葱白出其汗麻黃去節亦去芒硝鹹走血而內凝故不能發汗罷依前方中加四物湯黃連解毒三藥合而飲之日二服故內經曰以苦發之謂熱在肌表連內也小便淋瀝去麻黃加滑石連翹煎藥湯調木香末二錢七麻黃主表不主于裏故去之腰脇痛走症疼痛者加硝石當歸甘草一服各二錢調車前子末海金沙末各二錢內經曰腰者腎之府破傷風者如在表則卒以散之在裏則苦以下之兼散之汗下後通利血氣祛逐風邪每一兩內加荊芥穗大黃各二錢調全蠟末一錢羌活末一錢諸風潮搐小兒急慢驚風大便結秘邪熱暴甚腸胃乾燥寢汗咬牙上竄睡語筋轉驚悸肌肉蠕動每一兩加大黃二錢梔子二錢調茯苓末二錢如肌肉蠕動者調羌活末一錢故經曰肌肉蠕動命曰微風風傷于肺故嗽喘急每一兩加半夏桔梗紫苑各一錢如打撲傷損支節疼痛腹中惡血不下每一兩加當歸大黃各三錢半調沒藥乳香末各二錢解利四時傷寒內外所傷每一兩內加益元散一兩葱白十莖鹽豉一合生薑半兩水一椀同煎至五七沸或煎一小椀溫冷服一半以筋探之即吐罷後服一半稍熱服汗出立解如飲酒中風身熱頭痛如破者加黃連鬚二錢葱白十莖依法立愈慎勿用桂枝麻黃湯解之頭旋腦熱鼻塞濁涕時下每一兩加薄荷黃連各二錢半內經曰瞻後熱于腦則辛類鼻淵鼻淵者濁涕下不已也王注曰瞻液下澄則為濁涕下不已如水泉故曰鼻淵也此為足太陽脉與陽明脉俱盛也故氣逆者調木香末一錢

癘風論第十一

內經曰癘風者有榮氣熱附其氣不清故使鼻枉壞而色敗皮膚瘍潰故先風寒客于脉而不去名曰癘風又曰脉風成為癘俗云癘病也故治法云大風骨節重鬚眉墜名曰大風刺肌肉病故汗出

百日王注曰。泄衛氣之佛熱刺骨髓汗出百日。泄榮氣之佛熱。凡二百日。鬚眉生而止。鍼佛熱。屏退陰氣。內復故多汗出。鬚眉生也。先樺皮散。從少至多。服五七日後。灸承漿穴七壯。灸瘡輕。再灸瘡愈。再灸。後服二聖散。泄熱祛血之風邪。戒房室三年。鍼灸藥止。迷類象形。此治肺風之法也。然非止肺藏有之。俗云鼻屬肺。而病發于肺。端而言之不然。如此者。慨鼻准腫赤脹。但為瘡之類。乃謂血隨氣化。既氣不施化。則血聚矣。然血既聚。使肉腐爛而生虫也。謂厥陰主生五虫。厥陰為風木。故木主生五虫。蓋三焦相火熱甚。而制金。金衰故木來尅侮。經曰。侮勝也。宜瀉火熱。利氣之劑。虫自不生也。法云流水不腐。戶樞不蠹。此之類也。故此疾血熱明矣。當以藥緩疎泄之。煎局方。內外升麻湯下。徐氏內瀉青丸。餘各隨經言之。故病風者。陽氣先受傷也。

樺皮散

治肺藏風毒。遍身瘡疥。及癰疹。疥癩。檢之。成瘡。又治面風刺。及婦人粉刺。

樺皮

燒四兩。荆芥穗二兩。甘草半兩。炙杏仁二兩。

去皮。用水一斗。已後收。放合煎。

去皮。用水一斗。已後收。放合煎。

積殼

四兩。去穢。用炭火燒。令灰。

去穢。用炭火燒。令灰。

去穢。用炭火燒。令灰。

二聖散

治大風癘疾。

大黃

半兩。皂角刺三錢。燒灰。

右將皂角刺一二斤。燒灰。研細。煎大黃半兩。湯調下二錢。早服樺皮散。中煎升麻湯下。瀉青丸。晚服二聖散。此數等之藥。皆為緩疎泄血中之風熱也。

七聖丸

局方中七宣丸。局方中皆治風壅邪熱。潤利大腸。中風。風癰。風癘。大便秘澁。皆可服之。此方局方中治法。曰。雖柯子。味苦澁。而能止臟腑。此利藥中。用柯子。合大黃。和寔。緩緩而推。陳泄去邪氣。

若年老風秘澁者。乃津液內亡也。故不可用峻劑攻之內經曰。年四十而氣自半也。起居衰矣。年五

十體重耳目不聰明矣年六十陰痿氣大衰九竅不利下虛上寔涕淚出矣故曰知之則強不知則老舉世皆言年老之人無熱俱虛豈不明年四十而陰氣自半故陰虛陽盛明矣是以陰盛其下陽盛其上故上實下虛此理明矣

破傷風論第十二

論曰夫風者百病之始也清淨則腠理閉拒雖有大風苛毒而并能為害也故破傷風者通于表裡分別陰陽同傷寒證治問闕往往有不知者只知有發表者不知有攻裏者和解者此汗下和三法也亦同傷寒證有在表者有在裏者有半在表半在裏者在裏宜下在表宜發汗在表裏之間宜和解然汗下亦不可過其法也又不可妄意處治各通其臟脉免汗泄之非宜也故破傷風者從外至內甚於內者則病也因此卒暴傷損風襲之間傳播經絡至使寒熱更作身體反強口噤不開甚者邪氣入臟則分汗下之治諸瘡不瘥榮衛虛腠肉不生瘡眼不合者風邪亦能外入於瘡為破傷風之候故諸瘡不瘥時舉世皆言着灸為上是謂熟瘡而不知火熱客毒遂諸經變不可勝數微則發熱甚則生風而搐或角弓反張口噤目斜皆因瘡鬱結於榮衛不得宣通而生亦有破傷不灸而病此者瘡着白痴瘡口閉塞氣難通泄故陽熱易為鬱結而熱甚則生風也故表脉浮而無力太陽也脉長而有力者陽明也脉浮而弦小者少陽也大陽宜汗陽明宜下少陽宜和解若明此三法而治不中病者未之有也

羗活防風湯 治破傷風邪初傳在表

羗活

防風

川芎

藁本

當歸

芍藥

甘草

地榆

華細辛 各二兩

右咬咀每服五錢水一盞半同煎至七分去滓熱服不拘時候量緊慢加減用之熱則加大黃二

兩大便秘則加大黃一兩緩緩令過

白木防風湯 若服前表藥過有自汗者宜服此藥

白木一兩 防風二兩 黃耆一兩

右吹咀每服五七錢水一盞半煎至一盞去滓溫服不拘時候臟腑和而有自汗可用此藥破傷風臟腑秘小便赤自汗不止者因用熱藥汗出不休故知無寒也宜速下之先用芎黃湯三二服後用大芎黃湯下之

芎黃湯

川芎一兩 黃芩六錢 甘草二錢

右吹咀每服五七錢水一盞半同煎至七分去滓溫服不拘時候三服即止再用下藥

大芎黃湯

川芎一錢 羌活 黃芩 大黃各一兩

右吹咀依前煎服宜和為度

發表雄黃散

雄黃一錢 防風二錢 草烏一錢

右伴為細末每服一字溫酒調下裏和至愈可服裏不和不可服

蜈蚣散

蜈蚣一對 鱉五錢 左蟠龍五錢炒煙盡為度野雞裏是也

右伴為細末每服一錢清酒調下治法依前用裏和至愈可服但有裏證不可服次當下之用前蜈蚣散四錢巴豆霜半錢燒蝕為丸如菜豆大每服一丸漸加六七丸清酒調蜈蚣散少許送下宣利為度內外風去可常服羌活湯緩緩而治不拘時候服之羌活湯者治半在表半在裏也

羌活湯

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

已上各一兩

薄荷半兩

吳白芷半兩

防風湯

治破傷風同傷寒表證未傳入裏宜急服此藥

防風

羌活

獨活

川芎各等分

蜈蚣散

右咬咀每服五錢水一盞半煎至七分去滓溫服三二服後宜調蜈蚣散大效

蜈蚣一對

鯁三錢

右為細末用防風湯調下如前藥解表不已覺轉入裏當服左龍丸漸漸看大便硬軟加巴豆霜服之

左龍丸

左蟠龍煨錢

白殭蠶煨錢

鯁半兩

雄黃一錢

右同為細末燒蝕為丸如桐子大每服十五丸溫酒下如裏證不已當于左龍丸末一半內入巴豆霜半錢燒蝕為丸如桐子大每服一丸同左龍丸一處合服每服藥中加一丸如此漸加服至利為度若利後更服後藥若擣瘕不已亦宜服後藥羌活湯也

羌活湯

羌活

獨活

防風

地榆各一兩

右咬咀每服五錢水一盞半煎至一盞去滓溫服如有熱加黃芩有涎加半夏若病日久氣血漸虛邪氣入胃全養血為度

養血當歸地黃散

當歸

地黃

芍藥

川芎

藁本

防風

白芷各一兩

細辛 五錢

右吹咀依前煎服

雄黃散

治表藥

天南星 三錢

半夏 五錢

天麻 五錢

雄黃 二錢半

右為細末每服一錢溫酒調下如有涎于此藥中加大黃為下藥

地榆防風散

治破傷風中風半在表半在裡頭微汗身無汗不可發汗宜表裏治之

地榆

防風

地丁香

馬齒莧 各等分

右件為細末每服三錢溫米飲調下

白木湯

治破傷風大汗不止筋攣搐搦

白木

葛根 各一兩

升麻

黃芩 各半兩

芍藥 二兩

甘草 二錢半

右吹咀每服一兩水一盞半煎至一盞去滓溫服不拘時候

江鱉丸

治破傷風驚而發搐臍腑秘澀知病在裏可用江鱉丸下之

江鱉

剉炒 野鴿糞 炒 雄黃 一錢

白僵蠶 半兩

蜈蚣 一對

天麻 一兩

右件為細末又將藥末作三分用二分燒蝕為丸如桐子大硃砂為衣後將一分入巴豆霜一錢

同和亦以燒蝕為丸如桐子大不用硃砂衣每服硃砂為衣丸二十九入巴豆霜一丸第二服二

丸如至利為度再服硃砂為衣藥病愈止

沒藥散

刀箭藥止血住痛

定粉 一兩

風化灰 一兩

枯白礬 三錢

乳香 另研

沒藥 另研

右件各研為細末同和勻再研搽之

解利傷寒論第十三

論曰傷寒之法先言表裏及有緩急三陽表當急裏當緩三陰表當緩裏當急又曰脉浮當汗脉沉當下脉浮汗急而下緩謂三陽表也脉沉下急而汗緩謂三陰裏也麻黃湯謂之急麻黃附子細辛湯謂之緩內經云有漬形以為汗為汗之緩裏之表也又云在皮者汗而發之為汗之急表之表也急汗者太陽緩汗者少陰是臟腑之輸應也假令麻黃附子細辛湯是少陰證始得發熱脉沉裏和無汗故漬形以為汗假令麻黃湯是太陽證頭項痛腰脊強脉浮無汗裏和是也在皮者汗而發之也經曰治主以緩治客以急此之謂也

麻黃湯

麻黃去節

桂枝三錢

甘草炙

杏仁去皮尖炒

右咳咀都作五錢一服水煎去滓温服

假令得肝脉其外證喜潔面青善怒其三部脉俱弦而浮惡寒裏和謂清便麻黃湯內加羌活防風各三錢謂肝主風是膽經受病大便秘或泄下赤水無數皆裏不和也假令得心脉其外證面赤口乾善笑其尺寸脉俱浮而洪惡寒裏和謂清便麻黃湯內加黃芩石膏各三錢謂主心熱是小腸受病也假令得脾脉其外證面黃善噦善思善味尺寸脉俱浮而緩裏和惡寒麻黃湯內加白木防已各五錢謂脾主濕是胃經受病也假令得肺脉其外證面白善嚏悲愁不樂欲哭其尺寸脉俱浮而溢裏和惡寒麻黃湯內加桂枝生薑各三錢謂肺主燥是大腸受病也假令得腎脉其外證面黑善恐顯其尺寸脉俱浮而裏和惡寒麻黃湯加附子生薑謂腎主寒是膀胱受病也以上各五證皆表之表謂在皮者急汗而發之也皆腑受病表之裏者下之當緩謂隨臟表證外顯尺寸脉俱浮而復有裏證謂發熱飲水便利赤溢或泄下赤水按之內實或痛麻黃湯去麻黃杏仁

與隨臟元加藥同煎。作五服。每一證。初一服。加大黃半錢。邪盡則止。未盡第二服。加大黃一錢。邪未盡第三服。加大黃一錢半。如邪未盡。又加之。邪盡則止。此謂先緩而後急。是表之裏證。下之當緩也。麻黃附子細辛湯。

麻黃半兩去

細辛半兩去

附子一錢一分半炮

右以咀都作一服。水煎去滓。溫服。

假令得肝脉。其內證滿閉。淋瀝便難轉筋。其尺寸脉俱沉而弦。裏和惡寒。肝經受病。麻黃附子細辛

內。如羌活。防風各三錢。假令得心脉。其內證煩心。心痛。掌中熱而噦。其尺寸脉俱沉。裏和惡寒。心

經受病。加黃芩石膏各二錢。假令得脾脉。其內證腹脹。滿食不消。急墮嗜卧。其尺寸脉俱沉。裏和

惡寒。脾經受病。如白朮防己各三錢。假令得肺脉。其內證喘咳。洒淅寒熱。其尺寸脉俱沉。裏和惡

寒。肺經受病。加生薑桂各三錢。假令得腎脉。其內證泄如下重。足脛寒而逆。其尺寸脉俱沉。裏和

惡寒。腎經受病。更加附子。生薑各三錢。

已主五證。裏之表也。宜漬形以為汗。皆臟受病也。裏之裏者。下之當急。謂隨臟內證以顯。尺寸脉俱

沉。復有裏證者。謂大小便秘澀。或泄下赤水。或泄無數不能飲食。不惡風寒。發熱引飲。其脉俱沉。或

按之內寔而痛。此謂裏寔。宜速下之。麻黃附子細辛內麻黃。與隨臟元加藥內分作三服。每一證

初一服。加大黃三錢。邪盡則止。如邪未盡。其一服加大黃二錢。又未盡。第三服加大黃一錢。此先急

而後緩。謂裏之裏也。當速下之也。通解利。傷寒不問何經之受。皆能混然解之。謂不犯各經之受病。雖不解盡。亦無壞證。

羌活湯

羌活 二兩

防風 一兩

川芎 一兩

黃芩 一兩

細辛 二錢半

甘草 炒 一兩

黑地黃 一兩

白朮 二兩 如用 蒼朮 加一兩

右吹咀每服五七錢水二盞煎至一盞無時溫服清如覺發熱引飲加黃芩甘草各一兩更隨證
如頭痛惡風于白木湯一兩內加羌活散三錢都作一服

羌活散 羌活一兩半 川芎七錢 細辛根二錢半

如身熱依前加石膏湯四錢

石膏湯

石膏二兩 知母半兩 白芷七錢

如腹中痛者加芍藥散三錢

芍藥散

芍藥二兩 桂五錢

如往來寒熱而嘔加柴胡散二錢

柴胡散

柴胡根一兩 半夏五錢洗

論曰有汗不得服麻黃無汗不得服桂枝然春夏汗孔疎雖有汗不當用桂枝宜用黃耆湯和解
冬汗孔閉雖無汗不當用麻黃宜用川芎湯和春夏有汗脈乃微而弱惡風惡寒者乃太陽證秋
冬之脈也亦宜黃耆湯無汗亦宜川芎湯秋冬有汗脈盛而浮發熱身熱者乃陽明證春夏之脈也
亦宜黃耆湯無汗亦宜川芎湯大抵有汗者皆可用黃耆湯無汗者亦可用川芎湯
黃耆湯有汗則止也

黃耆 白木 防風各等分

右吐咀每服五七錢。至十餘錢。或半兩。一兩。水煎溫服。清汗多惡風。甚者加桂枝。川芎湯。無汗則發也。

川芎

白朮

羌活各等分

右吐咀同黃耆湯。稍熱服。惡寒甚。則及脉大浮。半加麻黃。法云五臟之脉寸關尺也。今止言尺寸。陰陽也。如陽緩而陰急。表和而裏病。陰緩而陽急。裏和而表病也。

若傷寒食少發渴。只可和胃止渴。不可太涼藥止之。然恐涼藥止之。損着胃氣。必不能食也。和胃白朮湯。

白朮

茯苓

起卧不能謂之濕。身重是也。小柴胡湯。黃芩芍藥湯。起卧不安。眠睡不穩。謂之煩。梔豉湯。竹葉石膏湯。解利四時傷寒。混解六經。不犯禁忌。

大白朮湯

白朮二兩

防風一兩

羌活一兩

川芎一兩

黃芩五錢

細辛三錢

白芷一兩半

石膏二兩

知母七錢

甘草五錢

枳實去穰五錢

右為麤末。每服半兩。水一盞半。煎至一盞。大溫服。清未解。更一服。兩服藥滓。又作一服。春倍防風。暑之閒。傷寒者。身多微涼。微有自汗。四肢沉重。謂之濕溫。又謂之濕淫。宜蒼朮石膏湯。

蒼朮石膏湯

蒼朮

細剉

石膏末

五錢

知母

剉一錢

甘草

剉一錢

右同和勻。都作一服。水兩盞。煎至一盞。溫服。清胃。內有溫熱也。多不欲飲水。如身熱脉洪。無汗多。渴者。是熱在上。焦積于胸中。宜桔梗散。

渴者

是熱在上焦積于胸中宜桔梗散

桔梗散

薄荷一錢 黃芩一錢 甘草一錢 桔梗半兩 連翹二錢 山枝子仁一錢

右剉每服五錢或七錢 秤半兩水煎加竹葉如大便秘結加大黃半錢

熱論第十五

論曰有表而熱者謂之表熱也無表而熱者謂之裏熱也有暴發而為熱者乃表不宣通而致也有服溫藥過劑而為熱者有惡寒戰慄而熱者蓋諸熱之屬者心火之象也王注曰百端之起皆自心生是以上善若水下愚若火治法曰小熱之氣涼以和之大熱之氣寒以去之甚熱之氣則汗發之六腑六腑屬陽而在外故內者下之外者發之又宜養血益陰其熱自愈此所謂不治而治也故不治謂之常治治而不治謂之暴治經所謂諸寒而熱者取之陰諸熱而寒者取之陽此所謂求其屬也王注曰益火之源以消陰翳用水之主以制陽光此之謂也

病有暴熱者病在心肺有積熱者病在腎肝暴熱者宜局方中雄黃解毒丸積熱者局方中妙香丸暴熱上喘者病在肺謂之高喘木香金鈴子散上焦熱而煩者牛黃散臟腑秘者大黃牽牛散上焦熱無他證者桔梗湯有虛熱不能食而熱者脾虛也宜以厚朴白木陳皮之類治之有寔熱能食而熱者胃寔也宜以梔子黃芩湯或三黃丸之類治之蔚金柴胡之類亦是也有病久憔悴發盜汗謂五臟齊損此熱勞骨蒸病也瘦弱虛煩腸癖下血皆蒸勞也宜養血益陰熱能自退當歸生地黃或錢氏地黃丸是也

木香金鈴子散 治暴熱心肺上喘不已

大黃半兩 金鈴子三錢 木香三錢 輕粉少許 朴硝一錢

右為細末柳白皮湯調下三錢或四錢食後服以利為度喘止即止

牛黃散 治上焦熱而煩不能睡卧

梔子 半兩 大黃 半兩 對金 半兩 甘草 二錢半

右為細末每服五錢水煎溫服食後微利則已

大黃牽牛散 治相火之氣遊走臟腑大便秘結

大黃 二兩 牽牛 頭末五錢

右為細末每服三錢有厥冷用酒調三錢無厥冷而手足煩熱者蜜湯調下食後微利為度此謂

不時而熱者濕熱也

地黃丸 治久新憔悴寢汗發熱五臟齊損瘦弱虛煩腸癖下血骨蒸痿弱無力不能運動

熟地黃 一兩 山茱萸 四錢 乾山藥 四錢 牡丹皮 白茯苓 澤瀉 各三錢

右為細末煉蜜為丸桐子大每服五十丸空心溫酒送下

防風當歸飲子 如煩渴皮膚索澤食後煎服防風飲子

空心服地黃丸

柴胡 人參 黃芩 甘草 各二兩 大黃 當歸 芍藥 各半兩

滑石 三兩

右為麤末每服五錢水一盞半生薑三斤同煎至七分去滓溫服如痰寔欬嗽加半夏如大便黃

米穀完出驚悸瀉血淋瀝欬血衄血自汗頭痛積熱肺痿後服大金花丸

大金花丸

黃連 黃芩 山梔子 各一兩

右為細末滴水為丸如小豆大每服一百丸溫水下日二三服或大便寔加大黃自利不用大黃

如中外有熱者此藥作散到服名解毒湯或腹滿嘔吐欲作利者每服半兩解毒湯中加半夏茯苓

苓厚朴各三錢生薑三斤如白膿下痢後重者加大黃三錢

涼膈散 加減付于後

連翹 山梔子

黃芩半兩 甘草一兩半

大黃 朴硝二錢半

薄荷葉各半兩

右件為麤末每服半兩水一盞半煎至一盞去滓入蜜一匙微煎溫服食後咽嗝不利腫痛并涎嗽者加桔梗一兩荆芥穗半兩效而嘔者如半夏二錢半生薑煎鼻衄嘔血者加當歸芍藥生地黃各半兩一料內有淋悶者加滑石四兩茯苓一兩或悶而不通臍下形如復碗痛悶不可忍者乃腸胃乾涸腫中氣不下故經文曰膀胱者州都之官津液藏焉氣化則能出矣故腫中者臣使之官名三焦相火下合右腎為氣海也王注曰膀胱津液之府胞內居之小腹處間毛內藏胞氣者得氣海之氣施化則溲便注下氣海氣之不及則滯而不通故不得便利也先用木香沉香各三錢酒調下或入正散甚則宜上湧之合氣通達小便自通經所謂病在下上取之王注曰熱攻于上不利于下氣盛於上溫辛以散之苦以利之

當歸承氣湯

大黃各二兩

甘草半兩

芒硝九錢

右為丸綠豆大每服二兩水一大碗入生薑五斤棗十枚水煎至半碗去滓熱服若陽狂奔走罵詈不避親疎是陽有餘陰不足大黃芒硝去胃中寒當歸補血益陰甘草和中如生薑棗胃屬土此引至于胃中也經所謂微者逆之甚者從之此之謂也以大利為度微緩以瓜蒂散加防風梨蘆吐其病立愈後調法洗心散涼膈散解毒湯等藥調治之

治熱入血室發狂不認人牛黃膏

牛黃二錢半

朱砂三錢

腦子一錢

蔚金三錢

甘草一錢

牡丹皮三錢

石為細末煉蜜為丸如皂子大新水化下

治暴熱者局方中雄黃解毒丸 治火熱者局方中妙香丸 治虛勞骨蒸煩熱下血者錢氏地黃丸

治虛熱不能食者脾虛也宜以厚朴白朮陳皮之類治之 治寔熱能食者胃寔也宜以梔子黃芩或三黃之類丸治之蔚金柴胡亦可 治表熱惡寒而渴白虎湯也 膚如火燎而熱以手取之不甚熱為肺熱也目白睛赤煩躁或引飲獨黃芩一味主之水煎或兩脇下肌熱脉浮弦者柴胡

飲子主之兩脇肋熱或一身盡熱者或日晡熱者皆為血熱也四順飲子主之夜發熱主行陰乃血熱也四順桃仁承氣選用當視其腹痛血刺痛與有表裏腹中轉失氣燥結之異晝則明了夜則譫語四順飲子證與桃仁承氣相似不可不辨也發熱雖無脇熱亦為柴胡證晝則行陽二十五度氣藥也大抵則柴胡夜則行陰二十五度血藥也大抵四順飲子

內傷論第十五

論曰人之生也由五穀之精化五味之備故能生形經曰味歸形若傷于味亦能損形合飲食反過其節腸胃不能勝氣不及化故傷焉經曰壯火食氣氣食少火壯火散氣少火生氣痺論曰飲食自倍腸胃乃傷或失四時之調養故能為人之病也經曰氣口緊而傷于食心脹滿而口無味與氣口同氣口者乃脾之外候故脾胃傷則氣口緊盛夫傷者有多少有輕重如氣口一盛脉得六至則傷於厥陰乃傷之輕也積柳丸主之氣口二盛脉得七至則傷于少陰乃傷之重也煮黃丸厚朴丸主之氣口三盛脉得八至則傷于太陰積塞悶亂甚則心胃大痛兀兀欲吐得吐則已俗呼食迷國是也經曰上部有脉下部無脉其人當吐不吐則死宜吐之以瓜蒂散如不能則無治也經曰高者因而越之而下者引而竭之是也

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

積柳二錢半 陳皮去白兩 木香二錢半 牽牛頭末半兩

積柳丸

有為細末醋糊為丸如桐子大每服十五丸至二十丸米飲下生薑湯亦可

煮黃丸
雄黃一兩 巴豆五錢生桐殼

右二味再研入白麵二兩同再和研勻滴水為丸如桐子大每服時先煎漿水冷沸下藥二十四丸煮三十沸撈入冷漿水中沉水冷一時下一丸一日二十加至微利為度用浸藥水送下此藥腸下疰癖痛如神

瓜蒂散

瓜蒂三錢 赤小豆三錢

右為細末溫水調一錢以吐為度如傷之太重備急丸獨行丸皆急藥也

金露丸 治天行時疫內傷飲食心下痞悶

大黃二兩 枳實炒五錢 牽牛頭末三兩 桔梗二兩

右同為細末燒飲為丸如桐子大每服三五丸食後溫水下如常服十丸二十丸甚妙治氣不下降食難消常服進食遂飲

枳寔丸

枳寔 麩炒五錢 白朮二兩剉

右為細末燒飲為丸如桐子大每服五十丸米飲下

治飲食不化心腹膨悶積柳丸主之如甚則脇肋虛脹煮黃丸主之治氣不下降飲食難消金露丸主之

諸瘧諸論第十六

經曰夏傷于暑秋必病瘧蓋傷之淺者近而暴發傷之重者遠而痲瘧痲者久瘧也是知夏傷于暑

溫熱閉藏而不能發泄于外邪氣內行至秋而發為瘧也初不知何經受之隨其動而取之有中三陽經者有中三陰者大抵經中邪氣其證各殊同傷寒論之也故內經曰五臟皆有瘧其治各別在太三陽受病皆謂之暴瘧發在夏至後處暑前此乃傷之淺者近而暴也在陰經則不分三經總謂之溫瘧當從太陰經論之其病發在處暑後冬至前此乃傷之重者遠而為瘧瘧者老也故謂之久瘧氣居西方宜毒藥療之瘧之為病因內積暑熱之氣不能宣泄于外而為瘧也當盛夏之時能良寒涼之物而助陰氣者後使有暑熱之氣微者自消矣寒時復以藥疎利臟腑使邪氣自下內經曰春食涼夏食寒秋食溫冬食熱是謂春夏養陽秋冬養陰人能于飲食起居之間順四時之氣而行之邪氣何由得生也

治瘧病處暑前頭痛項強脉浮惡寒有汗桂枝羌活湯

桂枝 羌活 甘草 各半兩

右為粗末每服半兩水一盞半煎至一盞溫服清迎發而服之如吐者加半夏麴等分

治瘧病頭痛項強脉浮惡風無汗者麻黃羌活湯

麻黃 去節 羌活 防風 甘草 各半兩

同前服如吐者加半夏麴等分

治瘧法如前證而夜發者麻黃桂枝湯主之

麻黃 一兩 去節 甘草 炙 三錢 桃仁 去皮尖 黃芩 五錢 桂 二錢

右五味同為細末依前服桃仁味苦甘辛肝者血之海血聚則肝氣燥經所謂肝苦急急食甘者以緩之故桃仁散血緩肝謂邪氣深遠而入血故夜發乃陰經有邪此湯發散血中風寒之劑

治瘧病身熱目痛熱多寒少脉長睡卧不安先以大柴胡湯下之微利為度如下過外微印未盡者

宜服白芷湯盡其邪

白芷一兩 知母一兩七 石膏四兩

右為麤末同煎服。

治瘧無他證隔日發先寒後熱寒少熱多宜桂枝石膏湯

桂枝五錢 石膏一兩五錢 知母二兩五錢 黃芩一兩

右為粗末分作三服每服水一盞同煎服間日者邪氣所含深也

治瘧寒熱大作不論先後此太陽陽明合病也謂之太爭寒作則必戰動經曰熱勝而動也發熱則必汗泄經曰汗出不愈知為熱也陽盛陰虛之證當內寔外虛不治必傳入陰經也桂枝芍藥湯主之

桂枝三錢 黃耆一兩 知母一兩 石膏一兩 芍藥一兩

右為粗末每服五七錢至半兩水煎如前藥服之寒熱轉大者知太陽陽明少陽三陽合病也宜用桂枝黃芩湯和之

柴胡二錢 黃芩四錢半 人參錢半 半夏四錢 甘草四錢半 石膏五錢 知母五錢

右為粗末依前服之服藥已如外邪已罷內邪未已再詮下藥從卯至午時發者宜以大柴胡湯下之從午至酉時發者知其邪氣在血也宜以桃仁承氣湯主之

前項下藥微利為度以小柴胡湯微其微邪之氣立秋之後及處暑前發瘧漸瘦不能食者謂之痰瘧此邪氣深透而中陰經為久瘧也

治久瘧不能飲食胸中鬱鬱如吐欲吐不能吐者宜吐則已當以梨蘆葶黃散吐之

梨蘆葶黃散

大梨蘆葶半錢 溫蠶水調下以吐為度

溫蠶水調下以吐為度

溫蠶水調下以吐為度

溫蠶水調下以吐為度

溫蠶水調下以吐為度

溫蠶水調下以吐為度

溫蠶水調下以吐為度

溫蠶水調下以吐為度

雄黃散

雄黃

瓜蒂

赤小豆各一錢

右為細末。每服半錢。溫水調下。以吐為度。

治秋深久瘧胸中無物。又無痰癖。腹高而食少。俗謂瘧氣入腸腹。宜蒼朮湯主之。

蒼朮四兩

單烏頭一錢

杏仁三十個

右為粗末。都作一服水三升。煎至一半。均作三服。一日服盡。迎發而服。局方中七宣丸治瘧之聖

藥也。

局方中神効飲子。乃瘧疾聖藥也。又名交結飲子。

吐論第十七

論曰。吐有三氣。積寒也。皆從三焦論之。上焦在胃口。上通於天氣。主內而不出。中焦在中脘。上通天氣。下通地氣。主腐熟水穀。下通地氣。主出而不納。是故上焦吐者。皆從于氣。氣者天之陽也。其脈浮而洪。其證食已暴吐。渴欲飲水。大便燥結。氣上衝而胃發痛。其治當降氣和中。中焦吐者。皆從于積。有陰有陽。食與氣相假為積。而痛其脈浮而弱。其證或先痛而後吐。或先吐而後痛。治法當以吐藥去其積。積柳木香行其氣。下焦吐者。皆從于塞地道也。其脈沉而遲。其證朝食暮吐。暮食朝吐。小便清利。大便秘而不通。治法當以毒藥通其閉塞。溫其寒氣。大便漸通。作以下焦藥。和之不令大便秘結而自愈也。

治上焦氣熱上衝。食已暴吐。脈浮而洪。宜先和中。桔梗湯。

桔梗二兩半

半夏麴二兩

陳皮一兩

枳實一兩

白茯苓一兩

白朮一兩半

厚朴一兩。薑製炒香。

右咬咀。每服一兩水一盞。煎至七分。取清溫服。調木香散二錢。隔夜空腹。食前服之。三服之後。氣漸

下吐漸止。然後去木香散加芍藥二兩。黃耆一兩半。每料中叮筭加上件分兩。依前服之。病愈則已。如大便燥結。食不盡下。以大承氣湯去硝。微下之。少利為度。再服前藥補之。如大便復結。又依前再微下。

木香散

木香 檳榔 各等分

右為細末。前藥調服。

治暴吐者。上焦氣熱所衝也。經曰。諸嘔吐酸暴。主下迫。皆屬于火。脉洪而浮者。荆黃湯主之。

荆芥穗一兩 人參五錢 甘草二錢半 大黃三分

右為麤末。都作一服水二盞煎至一盞。去滓。調檳榔散二錢。空心服。

檳榔散

檳榔二錢 木香一錢半 輕粉少許

右為細末。用前藥調服。如為丸。亦可。用水浸。蒸餅為丸。如小豆大。每服二十九。食後

治上焦吐頭發痛。有汗脉弦。鎮青丸主之。

柴胡去鈔 黃芩七錢半 甘草半兩 半夏湯洗 青黛二十五 人參五分

右為細末。薑汁浸。蒸餅為丸。如梧子大。每服五十丸。生薑湯下。食後。

白木湯 治胃中虛損及痰而吐者。

半夏麴半兩 白木一錢 檳榔二錢半 木香一錢 甘草一錢 茯苓二錢

右六味。同為細末。每服二錢。煎生薑湯調下。食前上而食。脉弦者。肝盛于脾而吐。乃由脾胃之虛。

宜治風安脾之藥。

金花丸

半夏湯洗 檳榔二錢 雄黃

右為細末。薑汁浸蒸餅為丸。如桐子大。小兒另丸。生薑湯下。從少至多。漸次服之。以吐為度。羸鮮於脾。故飲食自下。

治中焦吐食。由食積與寒氣相假。故吐而痛。宜服紫沉丸。

半夏三錢 烏梅去核 代赭石三錢 杏仁去皮尖 縮砂仁二錢 丁香二錢 沉香一錢

檳榔二錢 木香一錢 陳皮五錢 白豆蔻半錢 白木一錢 巴豆霜半錢 另研

右為細末。入巴豆霜令勻。醋糊為丸。如黍米大。每服三十九丸。食後生薑湯下。吐愈則止。小兒另丸。

治小兒食積吐食大亦妙。

一法治翻胃吐食。用橘皮壹個。浸少時。去白。裹生薑一塊。麩裏紙封。燒令熟。去麩外生薑。為三番。並

橘皮下。紫沉丸一百丸。一日二服。得大便通。至不吐則止。此主寒積。氣皆可治。嘔吐腹中痛者。是無積也。胃強而乾嘔。有聲無物。脾強而吐食。持寔繫強。是以腹中痛。當以木香。白木散和之。

木香一錢 白木半兩 半夏二兩 檳榔二錢 茯苓半兩 甘草四錢

右為細末。浸煎芍藥。生薑湯調下。每服三錢。

附子丸
治下焦吐食。朝食暮吐。暮食朝吐。大便不通。宜附子丸。

附子炮五錢 巴豆霜一錢 砒半錢 研細

右為研極細。鎔黃蠟為丸。如桐子大。每服一二丸。冷水送下。利則為度。利後更服紫沉丸。常服不令再閉。

厚朴丸
主反胃吐逆。飲食噎塞。氣往上衝。心腹中諸疾。如此法在後。

厚朴三兩半 黃連三兩半 紫苑去苗 吳茱萸湯洗 菖蒲
柴胡去苗 桔梗

保命集

卷中

皂角去皮 茯苓去皮 官桂刮

乾薑炮 各二兩 人參二兩

巴豆霜二兩

蜀椒去目開口者微炒出汗二兩

川芎子皮 炮裂去皮脂 減半更妙

右為細末。入巴豆霜勻煉蜜和丸為劑。旋丸桐子大。每服三丸。漸次加至。以利為度。生薑湯下。食後臨卧。此藥治療與局方溫白丸同。及治處暑以後。秋冬間。藏府下利。大効。春夏再加黃連二兩。

秋冬再加厚朴二兩。計四兩。

治風痲病不能愈者。從厚朴丸。依春秋加添外。又于每料內加人參。薑瀉。茯苓。去皮。各一兩半。右依前法。和劑服。

治反胃。又大便秘不通者。是腸勝胃也。服局方中厚朴丸一二百丸。如大便秘用後藥。

附子半兩 巴豆二枚 砒一豆許

右為極細末。生薑糊為丸。如菜豆大。每服一丸。白湯下。

霍亂論第十八

論曰。醫之用藥。如將帥之用兵。本草曰。良醫不能以無藥愈疾。猶良將無兵不足。以勝適也。故用藥如用兵。轉筋霍亂者。治法同用之急兵。不可緩也。故吐瀉不止者。其本在于中焦。或因渴大飲。或飲而過量。或飢而飽。甚或濕內甚。故陰陽交而不和。是為吐瀉。仲景曰。邪在上焦則吐。邪在下焦則瀉。邪在中焦則既吐且利。此為急病也。然吐利為急。十死其二。如揮霍撩亂而不得吐瀉。此名乾霍亂。必死。法曰。既有其入。必有所出。今有其入。而不得其出者。不也塞也。故轉筋吐瀉者。其氣有三。一曰火。二曰風。三曰濕。吐為暍熱也。王注曰。炎熱薄燥。心之氣也。火能炎上。故吐也。瀉為濕也。叔和云。濕多成五泄。內經曰。濕勝則濡瀉。又經曰。風勝則動。筋屬肝。而應于風木。故脚轉筋。燥急也。內經曰。諸筋反戾。水液渾濁。皆属于熱。故仲景治法曰。熱多欲飲水。五苓散。寒多不飲水者。理中丸。凡覺此證。或先五苓。蓋元桂。苓。甘露散。乃吐瀉之聖藥也。慎無與粟米粥湯。穀入于胃。則必死。本草曰。粟米

微鹹味寒無毒。主養胃氣去脾胃中熱。蓋氣霍亂者脾胃極損不能傳化。加以粟米如人欲斃更以利刀鋸其首。豈有能生者耶。如吐瀉多時無住之後宜微以粥飲漸以養之以遲為妙。治霍亂轉筋吐瀉不止半夏湯。

半夏

茯苓

白木 各半兩

淡桂 二錢半

甘草 炙二錢半

右為細末。渴者涼水調下。不渴者溫水調下。不計時候。

五苓散

白木

茯苓

木猪苓 各兩 澤瀉 二兩半 桂 一兩

右為細末。冷水調下。或水煎。三服。冷服亦得。

理中丸

白木

人參

乾薑

甘草 各等分

右為細末。煉蜜為丸。彈子大。每服一丸。冷水化下。

如吐瀉不止。身冷汗出。無脈者可服。後瀉利論中漿水散。兼桂枝湯。白木湯皆可用。後痢門中藥亦可用。

凡霍亂不可飲熱。白米湯飲之。死不救。

瀉論第十九

論曰。臟腑瀉痢其證多種。大抵從風濕熱論。是知寒少而熱多。寒則不能久也。故曰暴瀉非陽。久瀉非陰。論曰。春宜緩形。形動則肝木乃榮。反靜。密則是行秋令。金能制木。風氣內藏。夏至則火盛而金去。獨火木旺而脾土損矣。輕則殄泄。身熱脈洪。穀不能化。重則下痢膿血。稠粘皆屬于火。經曰。澁而便膿血。和氣行而血止也。宜大黃湯下之。是為重劑。黃芩芍藥湯為之輕劑。是寔則瀉其子。木能自虛。而脾土寔矣。故經曰。春傷于風。夏必殄泄。此逆四時之氣。人所自為也。有自大陰脾經受濕而

為水泄。虛滑微滿身重不知穀味。假令春宜益黃散補之。夏宜瀉之。古人法云宜補宜和宜止假令
和則芍藥湯是也。止則呵子湯是也。久則防變而為膿血也。脾傳腎謂之賊邪。故難愈。若先痢而後
滑謂之微邪。故易痊。此皆脾土受濕。天行為也。雖聖智不能逃。口食味。鼻食氣。從鼻而入。留積于脾
而為水瀉。有厥陰經動下痢不止。其脈沉而遲。手足厥逆。涕唾膿血。此難治。宜麻黃湯。小續命汗之。
法曰。謂有表邪。縮于內。當散表邪而愈。有暴下無聲。身冷自汗。小便清利。大便不禁。氣難布息。脈微
嘔吐。急以重藥溫之。漿水散是也。故法云。後重則宜下。腹痛則宜和。身重則除濕。脈弦則去風。血膿
稠粘。以重藥搗之。身冷自汗。以毒藥溫之。風邪內縮。宜汗之。則愈。糞澀為痢。當溫之。又云。在表者發
之。在裏者下之。在上者瀉之。在下者竭之。身表熱者。內疏之。小便澀者。分利之。又曰。盛者和之。去者
遠之。過者止之。兵法云。避其來銳。擊其惰歸。此之謂也。凡病泄而惡風寒。是太陰傳少陰。是土來尅
水也。用除濕白朮。茯苓。安脾芍藥。桂黃。連破血也。火邪不能勝水也。大陰經不能傳少陰。而反火邪。
主乘肺經。而痢必白膿也。如黃連當歸之類。又裏急後重。脈大而洪。寔為裏熱。而甚。敵是有物結墜
也。若脈浮大。甚不宜下。雖裏急後重。而脈沉細弱者。謂寒邪在內。而氣散也。可溫養而自愈。裏急後
重。閉者。大腸經氣不宣通也。宜加檳榔木香。宣通其氣。如痢或泄而嘔者。胃中氣不和也。上焦不和。
治以生薑橘皮。中焦不和。治以芍藥當歸。桂茯苓。下焦不和。寒治以輕熱。甚以重熱藥。大便虛秘。澀
久不愈。恐太陰傳少陰。多傳變為痢。太陰傳少陰。是為賊邪。先以枳實厚朴湯。以防其變。若四肢懶
倦。小便少。或不和。大便走沉。困飲食減。宜調胃去濕。白朮芍藥。茯苓。三味水煎服。以白朮之甘。能入
胃。而除脾胃之濕。芍藥之酸。溢除胃中之濕熱。四肢困。茯苓之淡。泄能通水道。走濕。此三味泄痢須
用。此如發熱惡寒。腹不痛。加黃芩為主。如未見膿。而惡寒。乃太陰欲傳少陰也。加黃連為主。桂枝佐
之。如腹痛甚者。加當歸倍芍藥。如見血。加黃連為主。桂當歸佐之。如燥煩。或先便白膿。後血。或發熱
或惡寒。非黃芩不止。上部血也。如惡寒。脈沉。或白痛腰。或血臍下痛。非黃連不能止。此中部血也。如

惡寒脉沉先血後便非地榆不能除此下部邪也血也如便膿血相雜而脉浮大慎不可以大黃下之。下之必死謂氣下竭也而陽無所收也。凡陰陽不和惟可以分陰陽藥治之。又云暴泄非陰久泄非陽。大便完設下有寒有熱者脉疾身多動音聲響亮暴注下迫此陽也寒者脉沉而細疾身不動作目睛不可了了飲食不下鼻準氣息者薑附湯主之。若身重四肢不舉木附湯主之。

治泄痢腹痛或後重身熱久而不愈脉洪疾者及下痢膿血稠粘黃芩芍藥湯

右為粗末每服半兩水一盞半煎至一盞瀘清溫服無時如痛則加桂少許
治泄痢久不愈膿血稠粘裏急後重日夜無度久不愈者用大黃湯

大黃一兩

右為細剉好酒二大盞同浸半日許再同煎至一盞半去大黃不用將酒分為一服頓服之痢止一服如未止再服以利為度服芍藥湯和之痢止再服黃芩芍藥湯和之以微其毒也

芍藥湯 下血調氣經曰澁而使膿氣行而血止行血則衰濃自愈調氣則後重自除
芍藥 一兩 當歸 半兩 黃連 半兩 檳榔 木香 二錢 甘草 二錢 大黃 三錢

黃芩 半兩 官桂 二錢半

右以咀每服半兩水二盞煎至一盞食後溫服清如血痢則漸加大黃如汗後臟毒加黃蘗半兩依前服

白木黃耆湯 服前藥痢雖已除猶宜此藥和之

白木 一兩 黃耆 七錢 甘草 三錢

右以咀勻作三服水一盞半煎至一盞去滓溫服清

治泄痢飧泄身熱脉弦腹痛而渴及頭痛微汗宜防風芍藥湯

防風

芍藥

黃芩各一兩

右以咀。每服半兩或一兩。水三盞煎至一盞。溫服。清。

治太陰脾經受濕。水泄注下。體微重。微滿。困弱無力。不欲飲食。暴泄無數。水穀不化。先宜白朮芍藥湯和之。身重暴下。是大勢來。亦宜和之。

白朮芍藥湯

白朮一兩

芍藥一兩

甘草五錢

右剉。每服一兩。水二盞煎至一盞。溫服。清。如痛甚者宜。

蒼朮芍藥湯

蒼朮二兩

芍藥一兩

黃芩半兩

右剉。每服一兩。加淡味桂半錢。水一盞半。煎至一盞。溫服。清。如脉弦。頭微痛者宜。

蒼朮防風湯

蒼朮

防風各二兩

上使

右剉。同煎服。如下血者宜。

蒼朮地榆湯

蒼朮二兩

地榆一兩

下使

右剉。同煎服。

已上證。如心下痞。每服各加枳實一錢。如小便不利。每服各加茯苓二錢。如腹痛漸已。瀉下微少。宜。柯子散。

呵子一兩半

生半熟

木香半兩

黃連三錢

甘草三錢

右為細末。每服二錢。以白朮芍藥湯調下。如止之不已。宜歸而送之也。呵子散加厚朴一兩。竭其邪氣也。虛滑久不愈者。多待變為痢疾。太陰傳於少陰。是為鬼邪。先以厚朴枳寔湯防其待變。

厚朴枳寔湯

厚朴一兩 枳寔二兩

呵子一兩半 桂半

木香半兩

黃連三錢

甘草三錢

大黃三錢

右為細末。每服三五錢。水一盞半。煎至一盞。去滓溫服。

治暴泄如水。周身汗出。一身盡冷。脉微而弱。氣少而不能語。其甚者。如吐。此謂急病。宜治之以漿水散。

半夏二兩 附子半兩 乾薑五錢 良薑二錢半 桂五錢 甘草二錢

右為細末。每服三五錢。漿水二盞。煎至一盞。和滓熱服。甚者三四服。微者三服。太陽經動下痢。為

醫。澹大腸不能禁。固卒然而下。成水泄青色。其中或有硬物。欲起而又下。欲了而不了。小便多清。

此寒也。宜溫之。春夏桂枝。秋冬白朮湯。

桂枝湯

桂枝

白朮

芍藥各半兩

甘草二錢

右剉。每服半兩水一盞。煎至七分。去滓溫服。清。

白朮湯

白朮

芍藥各三錢

乾薑半兩

甘草二錢

右剉為粗末。如前服之。其則去乾薑加附子三錢。辛能發也。

治厥陰動為瀉痢者。寸脉沉而遲。手足厥逆。下部脉不至。咽喉不利。或涕唾膿血。瀉痢不止者。為難治。宜升麻湯。或小續命湯。以發之法。云謂表邪縮于內。故下痢不止。當散表邪于四肢。布于絡脉。外

無其邪則臟腑自安矣。

諸瀉痢入胃名曰溢飲滑泄渴能飲水水下復瀉而又渴此無藥證當灸大推。

諸瀉痢久不止或暴下者皆太陰受病故不可離于芍藥若不受濕不能下痢故須用白木是以聖

人立法若四時下痢于芍藥白木內春加防風夏加黃苓秋加厚朴冬加桂附然更詳外證寒熱處

之如裏急後重須加大黃如身困倦須加白木如通身自汗逆冷氣息微加桂附以溫之如或後重

膿血稠粘雖在盛冬于溫藥內亦加大黃

諸下痢之後小便利而腹中虛痛不可忍者此謂陰陽交錯不和之甚也當服神効越桃散

大梔子 三錢 高良薑 三錢

右和勻每服三錢米飲或酒調下其痛立効

治大便後下血腹中不痛謂之濕毒下血宜服黃連湯

黃連 去須 當歸 各半兩 甘草 二錢

右以咀每服五錢水一盞煎至七分食後溫服

治大便後下血腹中痛者謂熱毒下血當服芍藥黃連湯

芍藥 當歸 黃連 各半兩 大黃 一錢 桂 淡味 半錢 甘草 一錢 炙

右以咀每服半兩同煎前服如痛甚者調木香檳榔

治久病腸生痛痒不任大便下血地榆湯

蒼朮 去皮 四兩 地榆 二兩

右以咀每服一兩水一盞煎至七分食前多服除根

治濕瀉茯苓湯

白朮 一兩 茯苓 去殼 七

石叟咀水煎一兩。食前服食。入而瀉。謂胃中有宿穀也。如積寔五錢。酒入而瀉。濕熱瀉也。如黃芩五錢。

治寒積痢。男子小兒。婦人皆不同。赤白或清痢如水。不後重者。寒也。經云澄徹清冷。皆屬於寒。此為虛寒中有積也。宜附子巴豆之類下之。見利則愈。空心服。

治瀉痢久。臟腑不止。虛滑穀不化。用蒼朮湯下桃花丸。

蒼朮二兩 防風一兩

右剉細用水一椀。煎至一大盞。用清汁下。桃花丸八十粒。立愈。如小便澁少。以五苓散下。桃花丸。

或赤石脂丸。小便利則愈矣。

太陽為腦熱痢。涼膈散主之。

陽明為癰疽進退。大承氣湯主之。珍珠囊中有。

少陽風氣自動。其脈弦。大柴胡湯主之。

太陰濕勝濡瀉。不可利。而可溫。四逆湯主之。

少陰蟄封。不動禁固。可瀉。赤石脂丸。乾薑湯主之。

厥陰風泄。以風治風。小續命湯。消風散主之。

治下痢膿血裏急後重。日夜無度。導氣湯。

芍藥一兩 當歸五錢

大黃

黃芩各一錢半

黃連

木香各一錢

檳榔一錢

右為末。每服三五錢水一盞。煎至七分。去滓溫服。則如未止。再煎服。不後重則止。

雜例

瀉而便膿者。小腸泄也。脈五至之上。洪者。宜以七宣丸。如脈平者。立秋至春分。宜香連丸。春分至

立秋。宜芍藥。葉皮四季通用。宜加減平胃散。七宣丸之類。後宜服此藥。去其餘邪。兼平胃氣。芍藥

藥皮丸

芍藥

黃蘗 各等分

右為細末醋糊為丸如桐子大每服五七十丸至二百丸溫水下食前
加減平胃散

白木

厚朴

陳皮各一兩

甘草七錢

檳榔三節

木香三錢

桃仁

黃連

人參

阿膠各半兩

白茯苓去皮半兩

右為細末同平胃散煎服血多加桃仁泄加黃連小便澀加茯苓氣不下後重加檳榔木香腹痛加芍藥甘草膿加阿膠濕加白木脉洪加大黃四時以胃氣為本久下血水則脾虛損而血不流于四肢入于胃中為血宜滋養脾胃則愈

五瘦者之病其治法各不同者外證各異也
胃泄者飲食不化多黃承氣湯下

脾泄者腹脹滿泄注食即嘔吐逆津建中理中

大腸泄者食已窘變大便色白腸鳴切痛乾薑附子

小腸泄者澀便膿血小腹痛承氣湯

大瘕泄者裏急後重數至圜而不能便足少陰是也

經中痛急利小便此五瀉之病也胃小腸大瘕三證皆清涼斂子主之其泄自止後厥陰少陰二證

另有治法厥陰證而加甘草謂主莖中痛是肝也內經曰肝苦急急食甘以緩之少陰經證多裏急

後重故加大黃令急推過物去則輕矣內經曰因其重而減之又曰在下者引而竭之又有太陰陽

明二經證當進退大承氣主之太陰證不能食也當先補而後瀉之乃進藥法也先煎厚朴半兩俱

依本方加製水一盞半煎至一半服之若三兩服後未已謂有宿食不消又加枳實二錢同煎服三兩

服泄又未已如稍加食尚有熱毒又加大黃三錢推過泄止住藥如泄未止謂腸胃有久塵垢滑粘如芒硝半合宿垢去盡則愈也陽明證能食是也當先瀉而後補謂退藥法也先用大承氣湯五錢水一盞依前法煎至七分稍熱服如泄未止去芒硝後稍熱減大黃一半煎兩服如熱氣雖已其人必腹滿又減去大黃和寔厚朴湯各三兩服如腹脹滿退泄亦自愈後服厚朴湯數服則已

又寒熱水洩之例于后

洩者一也總包五法謂之六義曰六解難經有傷寒五泄叔和云濕多成五洩仲景解四經泄痢有不可汗有不可下者可吐可灸者仲景隨經自言之假令渴引飲者是熱在膈上水多入則下高入胃中胃經本無熱不勝其水名曰水恣故使米穀一時下此證當灸大椎三五壯立已乃瀉督也如用藥使車前子雷丸白朮茯苓之類可選用之五苓散亦可又有寒泄者大腹滿而泄又有驚瀉者是寒泄也鴨溲者大便如水中有少結糞者是也如此者當用天麻附子乾薑之類是也又法曰泄有虛寔寒熱虛則無力粘衣不便已洩出謂不能禁固也寔則數至圓而不能便俗云虛坐掣責是也寔急後重皆依前法進退大承氣湯主之一說素問云春傷于風夏必飧泄又云久風為飧泄泄者乃水穀不化而完出非水入胃而成此證非前水恣也此一證不飲水而穀完出名曰飧泄治法于後先以宣風散導之出錢氏方中四味者是也後服蒼朮防風湯

蒼朮去皮 麻黃去根節 防風去蘆頭

右為粗末每服一兩生薑七斤水二盞煎至一盞去滓溫服泄止後服椒木丸

蒼朮二兩 小椒一兩去目炒

右為極細末醋糊為丸如桐子大每服二十丸或三十丸食前溫水下。一法惡痢久不愈者桂加如小兒病丸如粟米大

治瀉痢服血乃至脫肛地榆芍藥湯

蒼木八兩 地榆三兩 卷栢三兩 均藥三兩

右以咀每服一兩水一大盞半煎至一半溫服清病退藥止

五泄傷寒乃分三節

初說暴 次說中 後說久泄

此說在難經二十二難是三節內包十五法初以暴藥中以的對證藥後疾得中也末治久泄法仲

景論厥陰經治是也

治久泄法先進縮煎小續命湯是發其汗使邪氣不能侵

附子兩細切去破 白朮四兩 甘草一兩

右為粗末入附子合勻每服三錢水一大盞半入生薑五片棗一枚劈破同煎至一盞去滓溫服

食前此藥又治風濕相搏身重疼痛不能轉側不嘔不渴大便堅梗小便自利及風虛頭目眩重

者不知食味暖臍補中助陽氣止自汗

治男子婦人心經中搖熱如癩病狀宜服妙香丸風痲者前羌活為引下妙香丸血痲當歸湯引下

一刺心痛諸穴於後

真心痛手足青至節痛甚旦發夕死夕發旦死心痛腹脹嗆嗆然大便不利取足太陰心痛引腰

脊欲嘔取刺足少陰心痛引小腹滿上下無常處便溺難刺足厥陰心痛短氣刺手太陰心痛當

九節刺之立已不已上下求之得之則已

接經三法

心痛與背相接善恐如從後然其心偃僂者腎心痛也先刺經骨崑崙不已刺合骨

心痛腹脹胸滿心尤痛者胃心痛也刺大都太白

心痛如錐刺乃脾心痛也刺然谷大谿

心痛蒼然如死狀終日不得休息乃肝心痛取行間太衝

內然後治其痢。秋冬間下痢。風吐論中。加減厚朴丸大効。

凡藏府之秘不可一例治。瘵有虛秘。有實秘。胃實而秘者。能飲食。小便赤。當以麻仁丸。七宣丸之類。主之。胃虛而秘者。不能飲食。小便清利。厚朴湯主之。

厚朴薑製 白木五兩 半夏二兩 枳實一兩炒 陳皮去白 甘草三兩炙

右為粗末。每服三五錢。水一盞半。生薑五片。棗三枚。煎至一盞。去滓。溫服。空心。寔秘者。物如虛秘者。氣也。

平胃丸。治病久虛弱。厭厭不能食。而藏府或秘或瀉。此胃氣虛弱也。常服和中消痰。去濕。及厚腸胃。進飲食。

厚朴一兩 白木二兩 陳皮八錢去白 木香一錢 生半夏湯洗 檳榔二兩半

枳實半錢 甘草三錢炙

右為細末。薑汁浸。蒸餅丸。桐子大。每服三五十丸。生薑湯。或溫水送下。

心痛論第二十

論曰。諸心痛者。皆少陰。厥氣上衝也。有熱厥心痛者。身熱足寒。痛甚則煩燥。而吐。額自汗出。知為熱也。其脉洪大。當灸大谿。及崑崙。謂表裡俱瀉之。是謂熱病。汗不出。引熱下行。表汗通身而出者。愈也。灸畢。服金鈴子散。痛止。服枳朮丸。去其餘邪也。有大寔心中痛者。因食受時氣。卒然發痛。或秘。或瀉。久而注悶。心胸高起。按之愈痛。不能飲食。急以黃丸利之。利後以薑本湯去其餘邪。有寒厥心痛者。手足逆。而通身冷。汗出。便利。溺清。或大便利。而不渴。氣微力弱。急以木附湯溫之。寒厥暴痛。非久病也。朝發暮死。當急救之。是知久痛無寒。而暴痛非熱也。治熱厥心痛。或發或止。久不愈者。當用金鈴子散。

金鈴子 玄胡各一兩

右為細末每服三錢酒調下
大實心痛煮黃丸

雄黃一兩研

巴豆五錢去破三月

右再研二味白麵二兩同和再研勻滴水丸如桐子大每服時先煎漿水令沸下藥二十四丸煮一二十沸撈入冷漿水沉冷一時服一九一日二十四時加至微利為度用浸藥水送下此治脇下疰癖痛如神

治大實心痛大便已利宜藁本湯徹其痛也

藁本半兩

蒼木一兩

右為粗末每服一兩水二盞煎至一盞溫服清

治寒厥暴痛脉微氣弱宜木附湯

木附湯

衝穴心痛卧若徙居心痛間動作益痛甚者其色不誠此肺心痛也刺魚際大淵以通氣行先所凝滯則病也

太谿穴足少陰腎經土也為膕在足內踝後根骨上脉動陷中可灸三壯或五七壯此瀉熱厥心痛崑崙足太陽膀胱經水也在足外踝後根骨上陷中可灸三壯或五七壯亦可瀉熱厥痛

咳嗽論第二十一

神醫劉守真撰

論曰。咳謂無痰而有聲。肺氣傷而不清也。嗽是無聲而有痰。脾濕動而為痰也。咳嗽謂有痰而有聲。蓋因傷於肺。氣動於脾。濕咳而為嗽也。脾濕者。秋傷於濕。積於脾也。故內經曰。秋傷於濕。冬必咳嗽。大抵素秋之氣。宜清。湏反動之氣。必上衝而為咳。甚則動於脾。濕發而為痰。馬是知脾無留濕。雖傷肺氣而不為痰也。有痰寒少而熱多。故咳嗽者。非專主於肺。而為病。以肺主皮毛。而司於外。故風寒先能傷之也。內經曰。五臟六腑。皆能令人咳。非獨肺也。各以其時主之。而受病焉。非其時。各傳而與之也。所病不等。寒暑燥濕風火六氣。皆令人咳嗽。濕病痰飲入胃。留之而不行。止入於肺。則為咳嗽。假令濕在心經。謂之熱痰。濕在脾經。謂之風痰。濕在肺經。謂之氣痰。濕在腎經。謂之寒痰。所治不同。宜隨症而治之。若咳而無痰者。以辛甘潤其肺。故咳嗽者。治痰為先。治痰者。下氣為上。是以南星半夏。勝其痰。而咳嗽自愈。枳殼陳皮。利其氣。而痰飲自除。痰而能食者。大承氣湯。微下之。少利為度。痰而不能食者。厚樸湯治之。夏月嗽而發熱者。謂之熱痰。嗽小柴胡四兩加石膏一兩。知母半兩。用之。冬月嗽而發寒熱者。謂之寒嗽。小青龍加杏仁。服之。然此為大例。更當隨時隨症加減之。量其虛實。此治法之大體也。

蜜煎生薑湯

蜜煎橘皮湯

燒生薑胡桃

此三者皆治無痰而嗽者。當以辛甘潤其肺。故也。如但用青陳皮藥。皆當去白。本草云。陳皮味辛。理上氣。去痰氣。滯塞。青皮味苦。理下氣。二味俱用。散三焦之氣也。故聖濟云。陳皮去痰。穢不除。即生痰。麻黃發汗。節不去。而止汗。

治風痰。熱咳嗽。其脉弦。面青。四肢滿悶。便溺秘澀。心多燥怒。水煮金花丸。

南星

半夏各一兩

天麻五錢

雄黃錢

白麵

寒水石一兩
燒存性

右為細末。滴水為丸。每服五七十丸。至百丸。煎漿水沸下。藥者令浮為度。漉出。淡漿水浸。另用生薑湯下。或通聖加半夏及局方中川芎丸。防風丸。皆可用也。

小黃丸治熱痰咳嗽。脉洪。面赤。煩熱。心痛。唇口乾燥。多喜笑。宜小黃丸。

南星

半夏各一兩

黃芩一兩

右為細末。生薑汁浸。蒸餅為桐子大。每服五丸。至七十丸。食後薑湯下。及小柴胡湯中。加半夏亦可。

白朮丸治痰濕。咳嗽。脉緩。面黃。肢體沉重。嗜卧不收。腹脹而食不消化。宜白朮丸。

南星

半夏各一兩

白朮一兩

右為細末。糊為丸。如桐子大。每服五七十丸。生薑湯下。及局方中。防已丸亦可。

玉粉丸治氣痰。咳嗽。脉澀。面白。上喘。氣促。洒淅惡寒。愁下。藥宜服之。

南星

半夏各一兩

官桂一兩

右為細末。糊為丸。如桐子大。每服五七十丸。生薑湯下。食後服。及局方中。防已丸亦可。玉粉丸加減。在後。心下不者。加枳實五錢。身熱甚者。加黃連五錢。體重者。加茯苓一兩。氣上逆者。加苦亭蕒五錢。氣促者。加人參。桔梗各五錢。浮腫者。加郁李仁。杏仁。各五錢。大便秘者。加大黃五錢。

雙玉散治痰熱而喘。痰湧如泉。

寒水石

石膏各等

右為細末。煎人參湯調下。三錢。食後服。

治痰千緡丸

半夏

生味

大豆兩

去皮子

右同於絹袋中。盛之。用水三升。生薑七大片。同煎。至升半。以手搗洗之。取清汁。分作三服。食後併

服二服効。

防風丸治痰嗽胸中氣不清利者枳木丸亦妙。

防風碎

枳壳半兩法

白木兩一

右為細末燒飯為丸每服五七十丸生薑湯下。

天麻丸

天麻兩一

半夏

南星各一兩

雄黃許少

右以白麵二兩滴水為丸如桐子大每服五十九至百丸煎淡水令沸下葯煮十餘沸漉出食前

生薑湯下。

利膈丸主胸中不利痰嗽喘促利脾胃壅滯調秘瀉臟推陳致新消進飲食治利膈氣之聖葯也。

木香一錢半

檳榔半錢

人參三錢

當歸二錢

藿香一錢半

大黃酒浸葯一兩

厚樸葯製三兩

枳實一兩

甘草五錢

右為細末滴水和丸如桐子大每服三五十九食後諸飲皆下。

欬氣丸治久嗽痰喘肺氣浮腫。

青皮白去

陳皮法去

檳榔

木香

杏仁法皮

郁李仁法皮

茯苓

澤瀉

馬兜零

苦亭蕒

當歸

黃芩各三兩

人參

防己各五錢

牽牛取頭末一兩

右為細末生薑汁麵糊為丸如梧子大每服一二十丸加至五七十丸生薑湯下食後服。

玉粉丸治痰結咽喉不利語音不出。

半夏五錢

草烏一兩

肉桂一兩

右同為末生薑汁浸蒸餅為丸如雞頭大每服一丸至夜含化多歲不愈者亦效。

枳壳湯治久疾胸膈不利者多上焦發熱。

保命集

卷下

枳壳殼炒去穢三兩

桔梗三兩

黃芩一兩半

右同剉。每日早用二兩半。水三盞。煎至二盞。勻作三服。午時一服。申時一服。臨卧時一服。三日七兩半。約盡。服生半夏湯。

生半夏湯

半夏 不拘多少。洗七遍。切作片。

右每服秤三錢。水一盞半。入生薑五大片。同煎至一盞。和滓食後服。一日二三服。服三日畢。再服枳木丸。盡其疾為度。論曰。先消胸中氣。後去高上疾。再服枳木丸。謂首尾合盡消其氣。謂令疾不復作也。

清鎮丸治熱嗽。

小柴胡湯內加人參一倍。

青黛兩半

右為細末。麩糊為丸。如桐子大。每服五十丸。生薑湯下。

半夏丸治因傷風而痰作喘逆。兀兀欲吐。惡心欲倒。已吐加檳榔三錢。

半夏湯洗切

雄黃三錢研

右同為末。生薑汁浸蒸餅為丸。如桐子大。每服三十丸。生薑下。小兒丸如黍米大。

白木散治夏暑大熱。或醉飲冷。痰濕不止。膈不利。

白木

茯苓

半夏洗

黃芩焙等

右為粗末。每服五錢。至七錢。水二盞。入生薑十片。煎至一盞。去滓。調陳皮末一錢。神麩末一錢。食後服。

法曰。大熱。大飲。蓋酒味熱。而引飲冷。冷與熱。凝於胸中不散。而成濕。故痰作矣。甚者宜吐之。吐後服。

五苓。甘露。勝濕去痰之劑。

白木湯治痰潮。上如湧泉。久不可治者。

白木

白茯苓

半夏等分

右為末。每服半兩。病大者一兩。水二盞。生薑七片。煎至一盞。取清汁。調神麩末二錢。頓服之。病甚者。加玉壺丸一百丸。大效。永除根。

天門冬丸治婦人喘。手足煩熱。骨蒸寢汗。口乾引飲。面目浮腫。

天門冬兩 麥門冬八兩 生地黃三斤 煎取

右二味為末。和膏子為丸。如梧子大。每服五十丸。煎逍遙散送下。逍遙散中去甘草。加入參。或服王氏博濟方中。人參荊芥散亦可。如面腫不已。經曰。面腫曰風。故宜汗。麻黃桂枝。可發其汗。後服柴胡飲。去大黃。故論曰。治臟者。治其俞。治腑者。治其合。治浮腫者。治其經。治俞者。治其土也。治合者。亦治其土也。如兵家圍魏救趙之法也。

虛損論第二十二

論曰。虛損之疾。寒熱因虛而感也。感寒則損陽。陽虛則陰盛。損自上而下。治之宜以辛甘淡。過於胃則不可治也。感熱則損陰。陰虛則陽盛。故損自下而上。治之宜以苦酸鹹。過於脾則不可治也。自上而損者。一損於肺。皮聚而毛落。二損損於心。血脉虛少。不能榮於臟腑。婦人月水不通。三損損於胃。飲食不為。肌膚自下而損者。一損於腎。骨痿不能起於床。二損損於肝。筋緩不能自收。持三損損於脾。飲食不能消克。論曰。心肺損。而色蔽。腎肝損。而形痿。穀不能化。而脾損。感此病者。皆損之病也。漸漬之。深皆虛勞之疾也。

四君子湯治肺損。而皮聚毛落。益氣可也。

白朮 人參 黃耆 茯苓各等 右為粗末。每服五六錢。或七錢。水一盞。煎至七分。去滓。食後溫服。

八物湯治心。肺虛損。皮聚而毛落。血脉虛損。婦人月水愆期。宜益氣和血。

白朮 人參 黃耆 茯苓 當歸 芍藥 川芎 熟地黃各等

右為粗末。每服五七錢。水一盞。煎至七分。去滓。食後溫服。

十全散 治心肺損及胃。飲食不為肌膚。宜益氣和血調飲食。

白木 人參 黃耆 伏神 肉桂 當歸 川芎 熟地黃

芍藥 甘草各等 右為末。加生薑紅棗同煎。水一大盞。約五錢。煎至七分。食前日三服。

金剛丸 治腎損骨痿。不能起於床。宜益精。

草薢 杜仲去絲炒 菴蓉酒浸 兔絲子各等分酒浸

右為細末。酒煮猪腰子。搗為丸。如桐子大。每服五七十九。空心酒下。

牛膝丸 治腎肝損。骨痿不能起於床。筋緩不能收持。宜益精煖中。

牛膝 草薢 杜仲去絲炒 菴蓉酒浸 防風 兔絲子 白蒺藜各等分 肉桂半

右為細末。酒煮猪腰子。搗為丸。如桐子大。空心酒下。五七十九。

煖腎丸 治腎肝損及脾損。穀不化。宜益精煖中。消穀。

牛膝 草薢 杜仲 菴蓉 防風 兔絲子 白蒺藜 胡蘆巴

破故紙各等分 肉桂半

右和劑服餌。如金剛丸法。腰痛不起者。甚效。

黑地黃丸 加五味子。名腎氣丸。治陽虛陰虛。脾腎不足。房室虛損。形瘦無力。面多青黃。而無常色。宜用此藥。養血益腎。

倉木一斤米泔水浸 熟地黃斤 川薑冬二兩夏五錢春七錢 五味子半斤

右為細末。棗肉為丸。如梧子大。每服一百丸。至二百丸。食前米飲湯下。或酒下。治血虛久之甚效。

經曰。腎苦燥。急食辛以潤之。開腠理。致津液。通氣。五味子。味酸。故酸以收之。此雖陽盛不燥。熱乃

是五臟虛損於內。故可益血收氣也。此藥類象神品藥也。

治陽虛陰盛。心肺不足。宜八味丸。若形體瘦弱。無力。多困倦怠。陰陽先損。夏月地黃丸。春秋宜腎氣丸。冬月宜八味丸。

消渴論第二十三

論曰消渴之疾。三焦受病也。有上消。中消。腎消。上消者。上焦受病。又謂之膈消。肺也。多飲水而少食。大便如常。或小便清利。知其燥在上焦也。治宜流濕潤燥。中消者。胃也。渴而飲食多。小便黃。經曰熱能消穀。知熱在中。法云宜下之。至不欲飲食。則愈。腎消者。病在下焦。初發為膏淋。下如膏油之狀。至病成而面色梨黑。形瘦。而耳焦。小便瀉。而有脂。治法宜養血以肅清。分其清濁。而自愈也。法曰燥上而渴。辛甘而祛。用潤肺。故可用蜜煎生薑湯。大器頓之時。時呬之法云。心肺之病。莫厭頻而少飲。內經云。補上治宜以緩。又曰辛以潤之。開腠致津液通。則肺氣下流。故氣下大降而燥衰矣。其渴乃止。又經曰。二陽結為消。王註曰。二陽結於胃。及大腸俱熱也。腸胃藏熱。則善消水穀。用辛甘降火之劑。黃連末一斤。生地黃。自然汁。白蓮花藕。自然汁。牛乳汁。各一斤。熬成膏。調連末為丸。如桐子大。每服三十九丸。少呬溫水送下。日進十服。渴病立止。

治上焦膈消。而不欲多食。小便清利。宜小柴胡湯。或加白虎湯。或錢氏中地骨皮散。內加芍藥。黃耆。石膏。黃芩。桔梗之類是也。

人參石膏湯治膈消。上焦煩渴。不欲多食。

人參_{錢二} 石膏_{錢二} 知母_錢 甘草_{錢四}

右為粗末。每服五錢。至七錢。水煎。食後溫服。

順氣散治消中。熱在胃。而能食。小便赤黃。微利之為妙。不可多利。服此藥漸漸利之。不欲多食。則愈。

厚樸_{黃製} 大黃_兩 枳實_{三錢}

右對每服五錢水煎食後服

茴香散治腎消病下焦初症小便如膏油

茴香炒 苦練炒

右為細末酒調二錢食前服

八味丸治腎消大病加減法

本方內倍加山藥外桂附從四時加減假令方內桂附用一兩春各用三錢夏用一錢秋用五錢冬全用一兩

珍珠粉丸治白淫夢泄遺精及滑出而不收

黃柏一斤放新瓦上燒令通赤為度真蛤粉一斤

右為細末滴水為丸如桐子大每服一丸空心酒下法曰盛陽乘陽故精泄也黃柏降火蛤粉鹹而補腎陰也又治思想無窮所願不得之症

竹籠散治消渴

五靈脂 黑豆法皮

右等為細末每服三錢冬瓜湯調下無冬瓜苗葉皆可日二服小渴二三服効渴定不可服熱藥惟服八味丸去附子加五味子

腫脹論第二十四小兒附

靈樞脹論云帝問岐伯脹形何如岐伯曰夫心脹者心煩氣短卧不安肺脹者虛滿而喘咳肝脹者脇下滿而痛引小腹脾脹者善噦四肢煩倦體重不能勝夜卧不安腎脹者引背央央然腰痛六腑脹胃脹者腹滿胃脘痛鼻聞焦臭妨於食大便難大腸脹者腸鳴痛而濯濯冬日重於寒則殮泄食不化小腸脹者小腹填滿引腰而痛膀胱脹者小腹氣滿而氣癢三焦脹者氣滿於皮膚中磳磳

然而不堅。脹者脇下痛。脹口苦。善恐怒。又水脹篇云。帝問岐伯。水脹何如。答曰。水始起也。目窠上微腫。如新卧起之狀。其頸脉動咳。陰股間寒。足脛腫。腹乃大。其水已成矣。以手按其腹。隨手而起。如裹水之狀。此其候也。帝曰。膚脹何如。岐伯曰。膚者。寒氣客於皮中。鼓空空然不堅。腹身大。盡腫皮厚。按其腹。實不起。腹色不變。此其候也。鼓脹何如。答曰。腹脹身皆大。大與膚脹等也。色蒼黃。腹筋起。此其候也。腸覃何如。答曰。寒氣客於腸外。與衛相傳。氣不得榮。因有所繫。癖而內着。惡氣乃起。瘕肉生。其始大也。大如雞子。稍以益大。至其成。如懷子狀。久離。歲按之則堅。推之則移。月事不以時下。此其候也。石瘕何如。答曰。石瘕生於胞中。寒氣客於子門。閉塞氣不通。惡血當瀉。血以留止。日以益大。狀如懷子。月事不時。皆生於女子。可導而下。帝曰。膚脹鼓脹。可刺邪。曰。先瀉其脹之血絡。復調其經。刺去其血絡可也。

經云。平治權衡。去菟陳剝。開鬼門。潔淨府。平治權衡者。察脉之浮沉也。去菟陳剝者。疏滌腸胃也。開鬼門。潔淨府者。發汗利小便也。又鼓脹之病。治以雞屎醴。名醫云。其腫有短氣。不得卧。為心水。兩脇痛。為肝水。大便鴨漉。為肺水。四肢皆腫。為脾水。腰痛足冷。為腎水。口苦咽乾。為胆水。乍虛乍實。為大腸水。各隨其經絡。分其內外。審其脉症。而別之。夫有風水。皮水。石水。黃汗。推各臟以論之。風合歸肝。皮合歸肺。黃汗歸脾。石合歸腎。風水脉浮。必惡風。皮水脉亦浮。按下沒指。石水脉沉。腹滿不喘。黃汗脉沉遲。發熱而多涎。久而不愈。必致癰膿。水腫脉浮帶數。必是虛寒。潛止其間。久必沉伏。沉伏則陽虛陰實。為水。必矣。要知水脉。必沉是也。論曰。脉出者死。與病不相應也。諸唇黑。則傷肝。缺盆盈平。則傷心。臍出。則傷脾。足平。則傷腎。背平。則傷肺。此五者。必不可療也。治法云。腰以上。宜發汗。腰以下。利小便。錢氏論。虛實腹脹。實則不因吐瀉。久病之後。亦不因下利。脹而喘急。悶亂。更有疾有熱。及有宿食不化。而脹者。宜服大黃丸。白餅子。紫霜。凡下之更詳。認大小便如俱不通。先利小便。後利大便。虛則久病。吐瀉後。其脉微細。肺主目。胞腫虛腫。手足冷。當先服塌氣丸。後服異功散。及和中丸。益黃散。

溫其氣 因於氣腫者橘皮煎丸 因於濕為腫者煎防己黃耆湯調五苓散 因於熱為腫者服八正散 又一法燥熱於肺為腫者乃絕水之源也當清肺除燥水自生矣於豉桅湯中加黃芩如熱在下焦陰消使氣不得化者當益陰則陽氣自化也黃蘗黃連是也

五脉論五水灸法

青水灸肝井 赤水灸心榮 黃水灸脾俞 白水灸肺經 黑水灸腎合

婦人蠱脉無脉燒青丸 五皮散亦是

論諸蠱脹者有二種若從胃則旦食而夜不能食旦則不脹夜則脹是也若水腫症濡泄者是也內經曰蠱脹之病治以雞屎醴酒調服水脹之病當開鬼門潔淨府也

白茯苓湯名變水

白茯苓

澤瀉各二兩

郁李仁二錢

右咬咀作一服水一椀煎至一半常服無時從少至多服或煎得澄入生薑自然汁在內和麵或做粥飯作頓食五七日後覺脹下再加以白朮散

白朮

澤瀉各半兩

右為細末煎服三錢茯苓湯調下或丸亦可服三十丸

未治之藥服黃耆芍藥建曲之類以調養之平復後忌房室猪魚鹽麵等物

治水氣蠱脹潔淨府猪實子丸

猪實子

斗熬成膏

白丁香半兩

茯苓三兩 去皮

右二味為細末用猪實膏為丸如桐子大不計丸數從少至多服至小便清利及腹脹減為度後

服中治藥未治藥調養藥疏啟其中忌甘苦酸補其下五補七宣

取沉法

治腫治其經治金火也并榮俞經陰經金也合木水火陽經火也
治腫木香散

木香 大戟 白牽牛各等

右為細末每用三錢猪腰子一對批開放藥在內燒熟空心服之如左則塌左右則塌右如水腫不能全去於腹上塗甘遂末在繞臍滿腹少飲甘草水其腫便去也

治水腫 螻蛄去頭尾與葡萄心同研露七日晒乾為細末淡酒調下暑月濕用尤佳

又方棗一斗鍋內入水上有四指用大戟并根苗蓋之遍盆合之煮熟為度去大戟不用旋旋喫飲無時盡棗決愈神效

眼目論第二十五

論曰眼之為病在腑則為表當除風散熱在臟則為裡宜養血安神暴發者為表而易治久病者在裡而難愈除風散熱者瀉青丸主之養血安神者定志丸婦人熟地黃丸是也或有體肥氣盛風熱上行目昏澀者槐子散主之此由胸中氣濁上行也重則為痰厥亦能損目常使胸中氣清無此病也又有因目疾過藥多而損氣者久之眼漸昏弱乍明乍暗不欲視物此目少血之驗也熟地黃丸消風散定志丸相須而養之或有視物不明見黑花者此謂之腎氣弱也宜補腎水駐景丸是也或有暴失明者謂眼居諸陽交之會也而陰及閉之此風邪內滿當有不測之疾也翳膜者風熱重而有之或癰入眼此肝氣盛而發在表也翳膜已生在表明矣當發散而去之反疏利則邪氣內播為翳則深也邪氣未定謂之熱翳而浮邪氣已定謂之冰翳而沉邪氣牢而深者謂之陷翳當以熅發之物使邪氣再動翳膜乃浮輔以退翳之藥則翳自能去也病久者不能速效當以歲月除之治眼赤暴發腫散熱飲子

防風 羌活 黃芩 黃連各等

保命金丹

右對每服半兩。水二盞煎至一盞。食後溫服。如大便痛澀。加大黃一兩。如痛甚者。加當歸地黃。如煩燥不能卧睡。加梔子一兩。

川芎散治風熱上衝。頭目眩熱。腫及胸中不利。

川芎 槐子各一兩

右細末三錢。如胸中氣滯不利。生薑湯調。目疾茶調。風熱上攻。吐咀一兩。水煎。食後服。治眼久病昏澀。因發而久不愈。地黃湯。

防風 羌活 黃芩 黃連 地黃 當歸 人參 茯坤 各等

右為粗末。每服五七錢。水一盞半。煎至一盞。去滓。食後溫服。

槐子散

槐子 黃芩 木賊 蒼木 各等

右為細末。清茶調下。食後服。

治眼生翳膜。及癍入眼。焮赤已過者。瀉青丸主之。當半減大黃。如大便秘。焮氣未定。依方服之。

治冰翳久不去者。羚羊角散主之。

羚羊角 升麻 細辛 甘草 半之

石為細末。一半為散。一半蜜為丸。如桐子大。每服五七十九。以羚羊角散下之。食後臨卧。米泔水煎服。

治太陽經衛虛。血實腫赤。臉重。頭中濕淫。膚脉睛痛。肝風盛。眼黑。腎虛。桔梗丸。

桔梗 斤 牽牛 取頭末 三兩

右二味為末。煉蜜為丸。如桐子大。每服四五十九。加至百丸。食前溫水下。日二服。

金綠膏 點眼藥

生薑 四兩 取汁 白沙蜜 一斤 煉 去滓 綠猪膽汁 三 黃連 四兩 搗用水 一斗 溫煎取五升

右先煎黃連水後入薑汁。次入蜜。同煎去沫淨。次入下項藥末。

腦子四錢 麝香三錢 硼砂四錢 硼砂三錢 輕粉五錢 熊胆四錢 青鹽三錢

右為極細末攪勻。熬令稀膏。點用。

治眼暴赤發噴痛不可忍者。救苦丸。

黃連一兩 當歸二錢 甘草錢

右同剉細末。水半碗。浸一宿。以慢火熬。灼至一半。以棉濾去滓。以淨為妙。用火再熬。作稠膏子。為度。攤在椀上。倒合。以物蓋之。用熟艾一大彈子許。底下燃之。用艾煉膏子。艾盡為度。再入下項藥。

朱砂一錢 腦子五錢 乳香 沒藥各錢

右同研極細末。入黃連膏內。搗和為丸。如米大。每用二丸。點眼大角內。仰面卧。藥化則起。

治眼發赤腫。毒氣侵睛。脹痛。宣毒散。

盆硝 雄黃 乳香 沒藥各等分

右為極細末。以少許鼻內嚙之。

治眼風毒發腫。鼻中欲嚏。嚏多。大損。而生瘡。宣風散。

川芎 甘菊各二錢 乳香 沒藥各三錢

右和勻。再研極細末。以少許。鼻內嚙之。

目能遠視。不能近視。局方中定志丸。目能近視。不能遠視。萬壽地之丸。

生薑四兩 天門冬四兩 枳殼三兩 甘菊二兩

右為細末。煉蜜為丸。如桐子大。或清茶。或溫酒下。一百丸。食後服。此藥能愈。大風熱。

洗眼藥

呵子二兩 黃丹四兩 白蜜八兩 柳枝四十寸

右以河水二碗熬至半碗用一錢熱水化洗之石器內熬
治眼赤瞎以青婆蛆不拘多少淘淨晒乾末之令害眼人仰卧合日用藥一錢散在眼上須臾藥行
待少時去藥赤瞎亦無
治倒睫 無名異末之捺捲在紙中作煤子點着到藥處吹散以烟熏睫自起

瘡瘍論第二十六

論曰瘡瘍者火之屬。須分內外。以治其本。內經曰膏粱之變。足生大疔。其原在裡。發於表也。受持如
虛言。內結而發諸外。未知從何道而出。皆是從虛而出也。假令大陽經虛。從背而出。少陽經虛。從鬢
而出。陽明經虛。從髭而出。督脈經虛。從腦而出。又經曰。地之濕氣。感則害人皮膚筋脈。其在外。感則
內行。若其脈沉實。其先疎其內。以絕其源。如其脈浮大。當先托裡。恐氣傷化是也。有內外之中者。邪
氣至甚。遏絕經絡。再發癰腫。經曰血氣不從逆於肉理。乃生癰疽。此因先法裡及失疏通。又失和榮衛
也。治瘡之大要。須明托裡。疎通和榮衛。三法。托裡者。治其外之內。疏通者。治其內之外。和榮衛者。治
其中也。內之外者。其脈沉實。發熱煩燥。外無焮赤痛。其邪氣深於內也。故先疏通。以絕其原。外之內
者。其脈浮數。焮腫在外。形症外顯。恐邪氣極而內行。故先托裡。內外之中者。外無焮惡之氣。內亦臟
府宣通。知其所在。當和榮衛也。用此三法之後。雖未差。必無變症。亦可使邪氣峻減。而易痊愈。故經
曰。諸痛痒瘡瘍。皆屬心火。又曰。知其要者。一言而終。不知其要。流散無窮。

至陰

通谷

東骨

崑崙

委中

從髻而出者。當從少陽五穴選用。

少陽少血多氣

竅陰

夾谿

臨泣

陽輔

陽陵泉

從髀而出者。當從陽明五穴選用。陽明多血少氣。

厲兌

內庭

陷谷

衝陽

解谿

從腦而出者。初覺腦痛不可忍。且欲生瘡也。腦者髓之海。當灸刺絕骨。以泄邪氣。隨者舍也。故脉浮者從太陽經。依前選用。脉長者從陽明經。依前選用。脉絃者從少陽經。依前選用。論曰。諸經各有井榮俞經合井主。上下滿。及瘡色青。榮主身熱。及瘡赤色。俞主體重節痛。瘡黃色。經主咳嗽寒熱。瘡白色。合主氣逆而泄。瘡黑色。隨經病而有此症者。或宜灸宜鍼。以泄邪氣。經曰。邪氣內蓄。則腫熱宜破刺之也。內經曰。夫癰氣之息者。宜以鍼開除之。氣勝血聚者宜石而泄之。王注曰。石破也可以破大癰出膿。今以排鍼代。又凡瘡瘍。已覺微腫。腫硬。皮肉不變色。脉沉不痛者。當外灸之。引邪氣出而方止。如已有膿水者。不可灸。當刺之。淺者亦不灸。經曰。陷者灸之。如外微覺木硬而不痛者。當急灸之。是邪氣深陷也。淺者不可灸。慎之。

諸病瘡瘍。如嘔者是濕氣浸於胃也。藥中亦倍加白朮服之。

內疎黃連湯。治嘔噦必逆。發熱而煩。脉沉而實。腫硬木悶。而皮肉不變色。根深。大病在內。臟腑秘澀。當急疎利之。

黃連

芍藥

當歸

檳榔

木香

黃芩

薄荷

山梔子

桔梗

甘草各一

連翹二

右除檳榔木香二味為細末。外並剉。每服一兩。水一盞半。煎至一盞。先吃一二服。次每服加大黃一錢。再服加二錢。以利為度。如有熱症。止服黃連湯。大便秘澀。加大黃覺無熱症。少煎沒藥。內托復煎散。時時服之。如實無熱。及大小便通。止服復煎散。稍有熱症。却服黃連湯。秘則加大黃。如此內外皆通。榮衛和調。則經絡自不遏絕矣。

治腫嫩於外。根繫不深。形症在表。其脉多浮。痛在皮肉。邪氣盛。則必侵於內。急瀕內托。以救其裡也。

服內托復煎散

地骨皮

黃耆

芍藥

黃芩

白朮

茯苓

人參

柳桂味淡者

甘草

防己

當歸各一兩

防風二兩

右咬咀先煎蒼朮一斤。用水五升。煎至三升。去木滓。入前藥十二味。再煎至三四盞。絞取清汁。作三四服。終日服之。又煎蒼朮滓為湯。去滓。再依前煎服。十二味。滓。此除濕散鬱熱。使胃氣和平。如或未已。再配半料服之。若大便秘及煩熱。少服黃連湯。如微利及煩熱已過。却服復煎散。半料。如此使榮衛俱和。邪氣不能內侵也。

治諸瘡癰。臟腑已和。如痛不可忍者。可服當歸黃耆湯。并加減在後。

當歸

黃耆

地黃

川芎

芍藥

地骨皮各等分

右咬咀。每服一兩。水一椀。煎至半椀。去滓。溫服。如發熱者。加黃芩。煩熱不能卧者。加梔子。如嘔。是濕氣侵胃也。倍加白朮。

膏藥方

好芝麻油斤半

當歸兩半

杏仁四十九個

桃柳枝各四十九條

右用桃柳二大枝。新綿一塊。包藥繫於一枝上。內油中外。一枝攪於鉢器內。煎成。入黃丹三兩。一處熬水中。滴成不散。如珠子為度。

治金絲瘡。一云紅絲癰。其狀如線。或如繩。巨細不等。經所謂丹毒是也。但比烟毒不甚廣濶。人患此疾。頭手有之。下行至心。則死。下有上行。亦然。法當於瘡頭截經。而刺之。以出血。後嚼萍草根塗之。立愈。

治從高墜下。涎潮昏冒。此驚恐得也。苦杖散。

右以苦杖不拘多少。研細末。熱酒調下。如產後瘀血不散。或聚血。皆治之。治疔瘡奪命散。

烏頭尖

附子底

蝎梢

雄黃各一錢

蜈蚣對

硃砂

粉霜

輕粉

麝香

乳香各五錢

信石二錢

腦子對

右為細末先破瘡虫惡血畢以草杖頭用紙帶入於內以深為妙治瘡難消不能作膿痛不止木香散

地骨皮二兩去皮

木香兩

穿山甲二錢

麝香錢

右為細末酒調下三錢及小兒班後生癰米飲湯調下效如神

治疔瘡毒氣入腹昏悶不食

紫花地丁

蟬殼

管仲各半兩

丁香

乳香錢

右為細末每服二錢溫酒調下

治瘰癧有死肉者及追膿

白丁香

輕粉

粉霜

雄黃

麝香錢

巴豆三個

右同研細末新飯和作錠子用之

治諸瘡疼痛不變肉色護腫光色名曰附骨癰如神三生散

露蜂房

蛇退皮

頭髮各等分洗淨

右三味燒灰存性研細末酒調下三錢

治膀胱移熱於小腸上為口糜好飲酒人多有此疾當用導赤散五苓散各半兩煎服

治少陰口瘡半夏散若聲絕不出者是風寒遏絕陽氣不伸也

半夏一兩

肉桂兩

草烏頭兩

右藥同煎一盞水分作二服其效如神

治太陰口瘡甘馨散

用生甘草寸

白礬一兩

放口內含化嚥津

治赤口瘡乳香散
治白口瘡沒藥散

瘰癧論第二十七

用乳香
用沒藥
乳香
雄黃錢一
白礬五分
輕粉五分
巴豆霜許
研細末擦用

夫瘰癧者。經所謂結核是也。或在耳前後。連及頤頷下。連鉄盆。皆為瘰癧。或在胸及胸之側下。連兩脇。皆為馬刀。手足少湯主之。此經多氣少血。故多堅而少軟。膿白而稀。如泔水狀。治者求水清可也。如瘰癧生在別經。臨時於銅人內。隨其所屬。經絡部分對症之穴灸之。并依經內藥用之。獨形而小者。為結核。續數連結者。為瘰癧。形表如蛤者。為馬刀。

治馬刀連翹湯
連翹斤二
蘆麥斤一
大黃兩三
甘草兩一

右攻咀一兩。水兩碗。煎至一盞半。早食後。已時服。在頤兩邊。是屬少陽經。服藥十餘日後。可於臨泣穴。灸二七。壯服藥不可住。至六十日。決効。又有一方。加大黃不用甘草。更加貝母五兩。雄黃七分。檳榔半兩。同研末。熱水調下三五錢。

治瘰癧文武膏即桑椹膏
用文武實黑熟者二斗許。以布袋取汁。放石器中。熬成薄膏。白湯點一匙。日三服。

痔疾論第二十八

論曰。手陽明大腸。名曰害蜚。六元正紀論。陽明又曰。司殺府。手陽明屬金大腸名害蜚。謂金能害五虫。又曰。司殺府。謂金主殺。既有此二名。何以自生虫。蓋謂三焦相火盛。而能制陽明。金故木來相侮。內經曰。侮謂勝已也。木主生五虫。叔和云。氣主生於脾臟。傍大腸疼痛。陣難當。漸覺稍瀉。三焦熱。莫護多方。立紀綱。此言飲酒多食熱物。脾生大熱。而助三焦氣盛。大能生土也。當瀉三焦火熱。退使金得氣。而反制木。木受制。則五虫不生。病自愈矣。

蒼木澤瀉丸

蒼木四兩

澤瀉二兩

枳實二兩

地榆一兩

皂子二兩

右為細末燒飯為丸如桐子大每服三十丸食前或酒或米飲湯下

又方 川烏炮

古石灰焙

依前丸服

淋洗藥 天仙子

荊芥

川椒

蔓荊子各等分煎湯洗

黑地黃丸治痔之聖藥也在虛損門下有方

婦人胎產論第二十九

論曰。婦人童幼。天癸未行之間。皆屬少陰。天癸既行。皆從厥陰論之。天癸已絕。乃屬太陰經也。治胎產之病。從厥陰經者。是祖生化之源也。厥陰與少陽相為表裡。故治法無犯胃氣。及上二焦為三禁。不可汗。不可下。不可利。小便發汗者。同傷寒。下早之症。利大便則脈數。而已動於脾。利小便則內亡津液。胃中枯燥。製藥之法。能不犯三禁。則榮衛自和。榮衛和而寒熱止矣。外則和於榮衛。內則調於清便。先將此法為之。初治次後詳而論之。見症消息。同壞症傷寒。為之緩治。或小便不利。或大便秘結。或積熱於腸胃之間。或以成痿。或散血氣而為浮腫。蓋產理多門。故同傷寒壞症。如發渴。用白虎氣弱。用黃耆。血刺痛。而用以當歸。腹中痛。而加之芍藥。已上例症。不犯三禁。皆產後之久病也。凡產後暴病。禁犯不可拘也。如產後熱入血室者。桃仁承氣。抵當湯之類是也。胃堅燥者。夫承氣不可以泄。約言之。產後泄。人多用烏金。四物。是不知四時之寒熱。不明血氣之虛與實。盲然一概用藥。如此而愈。加增劇。是醫人誤之耳。大抵產病。天行從增損柴胡雜症。從加添四物。然春夏雖從柴胡。秋冬約用四物。藥性寒熱。病症虛實。不可不察也。四物湯常服。服餌四時各有增損。今具增損於後。

春倍川芎。百春百脈。倍言亦痛。夏倍芍藥。百夏百脈。倍言泄。秋倍地黃。百秋百脈。倍言血虛。冬倍當歸。百冬百脈。倍言寒而不食。此常服。順四時之氣。而有對症不愈者。謂失其輔也。春防風四物。如防風。倍川芎。夏黃芩四物。如黃芩。倍芍藥。秋天門冬四物。如天門冬。倍地黃。冬桂枝四物。如桂枝。倍當歸。此四時常服。隨症用之也。如血虛而腹痛。微汗而惡風。四物加茂桂。謂之腹痛六合。如風虛眩暈。加

秦光羌法謂之風六合。如氣虛弱起則無力。匡然而倒。加厚朴陳皮謂之氣六合。如發熱而煩不能安卧者。加黃連梔子謂之熱六合。如虛寒脉微氣難布息不渴清便。自調加乾薑附子謂之寒六合。如中温身沉重無力。身涼微汗。加白木茯苓謂之温六合。此婦人常病及產後病通用之藥也。治婦人虛勞局方中謂之首尾六合者。如人聖散下熟乾地黄丸。是治無熱虛勞。專其養也。中道藥。牡丹煎如空心食前服。人參荊芥散。臨卧食後服。是治有熱虛勞藥也。

治婦人懷胎腹脹枳壳湯

枳壳三兩

黃芩兩

右為粗末。每服半兩。水一盞半。煎至一盞。去滓温服。

治產前脹滿身體沉重。枳壳湯中加白木一兩。

治產前寒熱。小柴胡湯中。去半夏。謂之黃龍湯。

治懷孕胎漏。二黃散。

生地黃

熟地黄各等分

右為細末。加白木枳壳湯。調下。一兩日二服。

治有孕胎痛。地黃當歸湯。

當歸兩

熟地黄兩

右為粗末。作一服水三升。煎至升半。去滓頓服。

束胎丸

白木

枳壳去穢炒

右為細末。燒飯為丸。如桐子大。每月一日。食前服三五丸。温熟水下。胎瘦易生也。服至產則已。

產間藥

治胎衣不下。或子死腹中。或血衝上昏悶。或血暴下。及胞乾而不能產者。宜服半夏湯。

半夏麩半 桂枝七錢半 大黃五錢 桃仁三十個去

右為細末。先服四物湯三兩服。次服半夏湯三錢。生薑三片。水一盞。煎去三分。食後如未效。次服下胎丸。

下胎丸 生半夏 白斂各半

右二味為細末。滴水為丸。如桐子大。食後用半夏湯下。二三丸。續漸加至五七丸。如有未效者。須

廣大其藥。榆白皮散主之。又不效。大聖散主之。有宿熱。入宜服人參荊芥散。

產後藥

治產後經水適斷。感於異症。手足牽搐。咬牙昏冒。宜增損柴胡湯。

柴胡八錢 黃芩四錢半 人參三錢 半夏三錢 石膏四錢 知母二錢 黃耆五錢 甘草四錢

右為粗末。每服半兩。生薑五片。棗四個。水一盞半。煎至一盞。溫服。清無時。

前症已去。次服秦芩湯。去其風邪。

秦芩八錢 人參三錢 防風四錢半 芍藥兩半 柴胡八錢 黃芩四錢半 半夏三錢 甘草四錢

右為粗末。每服五七錢。水一盞。煎至七分。溫服。清無時。二三日。經水復行。前症退。宜服荊芥散。小

柴胡小料中。加荊芥穗五錢。枳殼五錢。麩炒。去穰。同小柴胡湯煎服。二三日後。宜正脾胃之氣。兼

除風邪。宜服防風散。

蒼朮兩 防風三兩 當歸一兩半 羌活半兩

右為粗末。每服一二兩。水三盞。煎至一盞半。取清。絡續常服。無時。

凡胎前之藥。無犯胎氣。產後變化。並同傷寒。無症盡從。加減四物湯。

治產後腹大。堅滿。喘不能卧。白聖散。

樟柳根三兩 大戟一兩半 甘遂一兩

右為極細末每服二三錢熱湯調下取大便宣利為度此藥主水氣之聖藥也

治產後風氣在表面目四肢浮腫宜加減局方中七聖丸每服二十九白湯下日加三四丸以利為度如浮腫喘嗽加木香檳榔倍之謂氣多浮則腫如頭目昏冒加羌活川芎謂多風也如只浮腫依七聖丸本方服之

治產後日久虛勞雖日久而脉浮疾者宜服三元湯

柴胡錢 黃芩 人參 半夏洗 甘草各三錢 川芎 芍藥 當歸 熟地黄各半

右為粗末同小柴胡湯煎服

治日久勞虛微有寒熱脉沉而浮宜柴胡四物湯

川芎 熟地黄 當歸 芍藥各一兩半 柴胡錢 人參 黃芩 甘草 半夏麩各三錢

右為粗末同四物煎服

如日久虛勞鍼灸小藥俱不效者宜服三分散

白朮 茯苓 黃耆 川芎 芍藥 當歸 熟地黄各一兩

柴胡錢 黃芩錢 人參一兩 半夏錢 甘草錢

右為粗末每服一兩水一盞煎至半盞溫服清日一服

治產後虛勞不能食宜十全散

白朮 茯苓 黃耆各三兩 人參 川芎 芍藥 熟地黄各一兩

當歸一兩 肉桂半兩 甘草一兩

右判如麻豆每服半兩水一盞半入生薑五片棗二枚同煎至七分空心食前溫服清

凡虛損病有深淺治有次第虛損論中詳論之

治產後諸風痿痺無力血風湯

秦光 羌活 防風 白芷 川芎 芍藥 當歸

地黃 白木 茯苓各等分

右為細末。一半煉蜜為丸。如桐子大。一半為散。溫酒調下。丸子五七十丸甚妙。治產後諸積不可攻當養陰去熱其病自退宜服芍藥湯。

芍藥各六兩 茯苓各六兩

右三味為粗末。每服半兩。水煎。日三服。去滓溫服。

治產後。兒腸大痛。黑白散。烏金石燒紅醋上過 寒水石燒存性

右二味。各等分。另頓放。臨服。各取末一錢。半粥飲湯下。痛止便不可服。未止再服。大效。

治產後不煩而渴。桃花散。新石炭一兩 黃丹錢半

右二味。為細末。臨渴時。冷漿水調一錢服。

治產後。衝脹胸中。有物。伏是噎氣。不降。紫金丹。代赭石 礞石各等

又方。用代赭石一兩 桃仁皮尖炒大 黃鈹三錢 共研末。薄荷水為丸。如桐子大。每服三五十九丸。溫水下。無時。

治臍腹痛。不可忍。四物湯。一兩。加玄胡三錢。

治血癖腹痛。及血刺腰痛。四物湯。細末。二兩。加酒。煮玄胡。細末。三兩。每服三錢。酒調下。

治血運。血結。血聚於胸中。或偏於小腹。或連於肋脇。四物湯。四兩。倍當歸。川芎。如鬼箭。紅花。玄胡。各一兩。同為末。加四物湯煎服。取清。調沒藥散服之。

沒藥散 盲虫一錢 犀角一錢 水蛭一錢 麝香 沒藥三錢

右為細末。煎前藥。調服。血下痛止。即不可服。只服前藥。

治產後頭痛。血虛疾癖。寒厥。皆令頭痛。加減四物湯。

羌活

川芎

防風

香附子炒

白芷各一

石膏半

熟地黃兩一

細辛錢

當歸錢

甘草錢

蒼木一兩六錢

右為粗末每服一兩水煎服無時如有汗者是氣弱頭痛也方中加芍藥三兩肉桂一兩半加生薑煎如痰痺頭疼加半夏三兩茯苓一兩半加生薑煎如熱結頭痛加白芷三兩石膏三兩知母

一兩半寒厥頭痛加天麻三兩附子一兩半加生薑煎

治產後風虛血眩精神昏昧荊芥散

右為細末溫水調服三錢微喘加杏仁精甘草炒各三錢

荊芥穗三錢

桃仁五錢去皮共炒

治產前症胎不動如重物下墜腹冷如水立効散

右為粗末每服三錢水二盞煎至一盞去滓食前服

川芎

當歸各等分

治婦人胎漏及因事下血枳壳湯

右為粗末每服五七錢水一盞煎至七分食前空心服

枳壳兩

黃芩兩半

白木兩一

治婦人筋骨痛及頭痛脉弦增寒如瘧宜服風六合

治婦人血氣上衝心腹肋下悶宜服治氣六合湯

治婦人臍下冷腹痛腰脊痛宜服玄胡六合湯

治婦人氣充經脉月事頻併臍下痛宜服芍藥六合

治婦人經事欲行臍腹絞痛宜服八物湯

治婦人經水過多別無餘症

治婦人經水澀少

治婦人虛勞氣弱喘嗽胸滿宜服氣六合

以上煎法並同四物服之

四物湯四兩加羌活防風各一兩

四物四兩加木香檳榔各半兩

四物內加玄胡苦練炒各一兩

四物內倍加芍藥

四物內加玄胡苦練各二兩檳榔木香各半兩

四物內加黃芩白木各一兩

四物內加葵花煎

四物內製厚朴一兩炒枳實半兩

四物主治法

熟地黃 補血如臍下痛非熟地黃不能除之此通腎經之藥也

川芎 治風瀉肝木如血虛頭痛非川芎不能除去此通肝經之藥也

芍藥和血如血刺痛若刀刺狀非芍藥不能除之此通脾經之藥也

當歸和血如血刺痛若刀刺狀非當歸不能除之此通腎經之藥也

以上四味治法如顯一症於四物湯中各加二味用之如小腹痛四物湯四兩加玄胡苦練各一兩

經水暴多四物四兩加黃芩一兩如腹痛者只加黃連如夏月用不去黃芩經水如黑豆水加黃連

黃芩各一兩如經水少而血色和者四物四兩加熟地黃當歸各一兩如經水通來適斷往來寒熱

者先服小柴胡以去其寒熱後以四物湯調治之如寒熱不退勿服四物是謂變症表邪猶存不能

效也依前論中變症隨症用藥調治之

治婦人血積增損四物湯

四物內加廣茂京三稜桂乾漆皆依法製各加一兩如四物煎服

治婦人產後血昏血崩月事不調遠年乾血氣皆治之名曰紅花散

乾荷葉 牡丹皮 當歸 紅花 蒲黃

右各等分為細末每服半兩酒煎和滓溫服如依不效另和榆白皮煎湯調服半兩立效

治婦人惡物不下 當歸炒 芫花炒

右二味為細末酒調三錢又好墨醋碎末之小便酒調下妙

又治胎衣不下蛇退皮二錢炒焦研細末酒調下

諸見血無寒衄血下血吐血溺血皆屬於熱但血家症均宜服此生地黃散

生地黃 熟地黃 枸杞子 地骨皮 天門冬 黃耆 芍藥 黃芩 甘草

右各等分同劉每服一兩。水一盞半煎至一盞去滓溫服。脉微身涼惡風每服一兩加肉桂半錢。吐血者多。有此說。

治衄血不止麥門冬飲子 麥門冬 生地黃

右二味等分每服一兩煎服又衄血先硃砂蛤粉次木香黃連大便結下之大黃芒硝甘草生地黃。唐軟梳子黃芩黃連可選用。

帶下論附

論曰赤者熱入小腸白者熱入大腸原其本也皆溫熱結於肺故津液湧溢是為赤白帶下。本來病緣五脉經虛結熱屈滯於帶故女子臍下疝痛而綿綿陰器中時下也故經曰在脉為病男子內結七疝女子帶下。瘕聚王注曰在臍自胞上過帶脉貫於臍上故男子內結七疝女子帶下。帶脉起於季脇章門如束帶狀令濕熱鬱結不散故為病也結曰脾傳之腎病若曰瘕疝小腹鬱熱而痛出白一名曰蠹所以為帶下寃屈也寃結也屈滯而病熱不散先以十秦湯下之後服苦練丸大玄齒散調下之熱去濕除七自念也如女子不月丸瀉心火血自下也內經曰二陽之病發心脾有不得隱曲故女子不月其傳為風消。王注曰大可胃發病也心脾受之心主能心病則血不流脾主參其日則味不化味不化則精血不足精血不足故其症不能已虧則風邪勝而真氣愈清也又經曰月事不來者胞脉閉也胞脉屬於心而絡於胞中令氣上通肺氣不得上通故月事不來先服降心大之劑後服局方中五補丸後以衛生湯治脾補血氣也。

苦練丸治婦人赤白帶下

苦練餅酒

茴香炒

當歸

右三味等分為細末酒糊為丸如桐子大每服三五十九空心酒下如腰腿疼痛四物四兩加羌

活防風各一兩

衛生湯

當歸

白芍藥

黃耆

甘草

右為粗末每服半兩水二盞煎至一盞去滓空心溫服如虛者加人參一兩

大頭論第三十

夫大頭病者是陽明邪熱太甚。資實少陽相火而為之也。多在少陽或在陽明。或傳太陽。視其腫勢在何部。分隨經取之。濕熱為腫。木盛為痛。此邪見於頭。多在兩耳前後。先出皆主其病也。治之大不宜藥速。速則過其病。所謂上熱未除中寒復生。必傷人命。此病是自外而之。內者是血病。况頭部分受邪見於無形迹之部。當先緩而後急。先緩者謂邪氣在上。看無形之分部。既着無形。無所不至。若用急劑。速下。過其病難已。雖用緩藥。若急服之。或食前。或頓服。皆失緩體。則藥不能得除。病當徐徐浸漬。無形之邪也。或藥性味形體擬象。皆要不離緩體是也。且後急者。謂緩劑已瀉。邪氣入於中。是到陰部。染於有形質之所。若不速去。則損陰也。此終治却為客邪。當急去之。是治客以急也。且治主當緩者。謂陽邪在上。陰邪在下。各本家病也。若急治之。不能解紛。而益亂也。此故治主當緩。治客以急者。謂陽分受陰邪。陰分受陽邪。此客氣急除去之也。假令少陽。陽明為病。少陽為邪。出於耳之前後也。陽明為邪者。首大腫是也。先以黃芩。黃連。甘草湯。通炒過。對前少少不住服。或劑畢。再用大黃。煨單粘子。新瓦上炒香。煎藥成。去滓。內芒硝。俱各等分。亦時時呷之。無令飲食在前。得微利。反邪氣已。只服前藥。如不已。再同前次第服之。取大便利。邪氣即止。如陽明渴者。加石膏。少陽渴者。加瓜蒌根。陽明行經。升麻芍藥。葛根。甘草。太陽行經。羌活。防風之類。

雷頭風附

夫治雷頭者。諸藥不效。為與症不相對也。蓋雷頭者。震卦主之。震仰盂。故余製藥。內加荷葉。謂象其震之形。其色又青。乃述類象形也。當煎局方中升麻湯。

升麻湯 一 蒼木 一 荷葉 一个 全者

右為細末。每服五錢。水一盞。煎至七分。食後溫服。或燒整荷葉一个。研細。調煎藥服。亦妙。

耳論附

論曰耳者蓋非一也以竅言之是水也以聲言之金也以經言之手足少陽俱會其中也有從內不能聽者主也有從外不能入者經也有若蟬鳴者有若鐘聲者有若火熛熛狀者各隨經見之其間虛實不可不察也假令耳聾者腎也何謂治肺肺主聲鼻塞者肺也何謂治心心主鼻如推此法皆從受氣為始腎受氣於己心受氣於亥肝受氣於申肺受氣於寅脾正四季此法皆長生之道也

小兒癩疹論第三十一

論曰癩疹之病其狀各異瘡發焮腫於外屬少陽三焦相火也謂之癩小紅壓行皮膚之中不出者屬少陰君火也謂之疹凡顯癩症者若自吐瀉者慎勿治則多吉謂邪氣上下皆出也大凡瘡疹首尾皆不可下恐妄動而生變此謂少陽通表宜和之也當先安其裡以解毒次微發之安裡解毒者謂能安和五臟防風湯是也如大便不秘次微發之微發之藥錢氏書中甚多宜選用之如大便過秘宜微和之當歸丸棗變百祥丸是也初知是癩疹若便發之令癩疹得出恐小兒難禁是使別生他症也首尾不可下者首曰上焦尾曰下焦若已吐利不可下也宜用安裡藥三五服如能食而大便秘者是內實宜微疎利之若內虛而利者宜用安裡藥三五服末後一服調微發之藥服之大抵用安裡之藥多發表之藥少秘則微疎之邪氣不併出能作番次使小兒易禁也身溫者順身涼者逆宜服防風湯以和之

防風湯 防風兩 地骨皮 黃耆 芍藥 枳殼 荊芥穗 牛蒡子各半兩

右為細和溫水調下或為粗末煎服二三錢更妙 當歸兩 黃連半兩 大黃兩 甘草兩

治大便秘而內實能食宜當歸丸 右藥先將當歸熬膏次將三味研末入膏為丸漸次服十丸

治癩疹大便從結棗變百祥丸 大戰一兩 棗肉三個 去核

右二味用水一杯煎至水盡為度。去大戟不用。將棗焙乾可和劑服。丸從少至多。以利為度。

五臟病各有所見證。

熱則從心。寒則從腎。嗽而氣上則從肺。風從肝。瀉從脾。假令瀉見嗽而氣上脾肺病也。瀉白益黃散冷而服之。又宜黃芩厚朴湯。白木厚朴湯。謂脾苦濕肺苦燥。氣則上逆也。其症先瀉。又兼面色黃腸鳴。嘔者。是也。如口渴渴熱多者。當服黃芩厚朴湯。不渴熱少者。當服白木厚朴湯。其他五臟。若有無症。皆如此類。然更詳後說。四時綜核用藥。

假令春分前風寒也。宜用地黃羌活防風。或地黃丸。及瀉青丸。相間服之。春分後風熱也。宜用羌活防風黃芩。或瀉青丸。用導赤散下之。立夏後燥熱也。宜三黃丸。導赤散。夏至後濕熱也。宜導赤瀉黃散合而服之。或黃芩甘草白木茯苓之類。為勝濕之藥。立秋後宜用益黃瀉白散。陳皮厚朴。人參木香之類。秋分後用瀉白散。立冬後地黃丸。主之。謂腎不受瀉也。大凡小兒癩疹。已發有瘡。有聲音者。乃形病。氣不病也。無瘡無聲音者。乃氣病。形不病也。有瘡而無聲音者。是形氣俱病也。後一症當清利肺氣。八風湯。或涼血散。大黃芒硝亦可。或如聖湯。加大黃。或八味羌活湯。加大黃。此是春時發癩。謂之風癩。耳瘡疹者。內經云。痛痒瘡瘍。皆屬心火。癩子者。是相君行命三焦真陽氣之所作也。若氣入肺。變膿胞入肝。為水胞。自病為癩。心乃君火。入於皮作癩疹。為肺主皮毛。心不害肺金。此乃君之德也。未瘡而發搖。而外感寒邪。內發心熱。而發搖。用茶湯下。解毒丸。或犀角地黃湯。主之。已發便稠密。形勢如針頭者。當輕發其表。涼其內。連翹升麻湯。主之。若癩已發稠密甚。而微喘。飲水有熱症。當以去風藥。微下之。若出不快。清便自調。知為在表不在裡。當微發之。升麻葛根湯。主之。若有乾黑陷身。不大熱。大小便澀。則知熱在內。當煎大黃湯。下宣風散。身表大熱者。表症未罷。不可利大便。若癩疹已出。見小熱。小便不利者。當利小便。已發後。有餘毒不散。為復有身熱。癩瘡之類。當用解毒之藥。

約畧第三十二針法附

針之最要

兩脇痛。針少陽經。印墟。心痛。針少陽經。太谿。湧泉。及足厥陰。原穴。腰痛不可忍。針崑崙。及刺委
中出血。太陽喘滿。痰實。口中如膠。針太谿穴。噦嘔無度。針手厥陰。太陵穴。頭痛不可忍。針足厥
陰。太陽經原穴。熱無度。不可忍。刺陷骨穴。出血。骨熱不可治。前板齒乾燥。當灸骨夏。太推。小
腸疝痛。當刺足厥陰。肝經太衝穴。血不止。鼻衄大小便。皆血。血崩。當刺足太陰。并隱白。喉閉刺
少陽手足。并刺少商。及足太陰。并大煩。熱晝夜不息。刺十指間出血。謂之八關。大刺。目疾。睛
痛。欲出赤。大刺八關。百節疼痛。實無所知。三棱針。刺絕骨出血。
眼大皆痛。刺手太陽。并冗少澤。小皆痛。刺少陽。并冗關衝。
陰頭中痛。不可忍者。卒疝也。婦人陰中痛。皆刺足厥陰。并大敦。冗。

Last page

千頃堂書局出版籍

上海福佑路華書局發行

保命集

卷下

小兒按摩術

小兒病最難治療以其口不能言脈無可切證無可問僅以望聞得之服藥又多不便亘古稱為啞科惟按摩術一法無須診脈亦不服藥祇要觀察五官神氣手紋溲便等如何便可依照書內按摩各法施治定能萬病回春諺云人之所患病多醫之所患道少醫者得此書而習之可免道少之憾推挈家得此正傳亦不致遺禍幼稚即在窮鄉僻壤小兒偶抱微疾一時延醫諸多不便即有醫而擬方矣則購藥或須至遠處者曠費時計不言可知設或不測徒呼天數視此委屈天喪良可閔也若得是書照法療治無不效驗如神著手成春誠保育小兒之鴻寶家常必備之秘笈也倘有能將此書購贈友朋實為惠福嬰孩功德無量也每部二冊定價八角


本草分經治二冊定價洋五角

十六

中西 此書為蜀中羅茂亭上舍所著書中臟腑圖說辨析精詳兼列中西尤資互證所採各方簡要精當後附張子培先生春溫三字訣唐容川先生痢症三字訣均時醫所必讀之書每部四冊定價六角

全生指迷方 此書係宋名醫士王貺所著內容專論脈法甚為詳盡立方精微論理透澈久為醫家所推重此書本收入四庫提要向無單行本故欲購者甚難茲覓得家藏原本刊印流通書存無多購請從速

醫學 此書乃明王肯堂先生著原名醫鏡宗頽問蔣氏刊行列入清四庫提要陸氏冷廬醫話言此書之難覓而此本又為康熙間名醫岳氏刪定改名醫鏡刪補歸安縣志載入藝文其稿未刻至光緒間江浦陳珠泉先生得其手稿重加校訂特更今名今特從陳君處借得付印圍點悉照原書條分縷晰淺顯易知不特學醫者所必備抑居家衛生之寶笈也每部四冊定價六角



L783L

1909

v. 4

其